

清史紀事本末

清史紀事本末卷二十三

雍正英察

世宗雍正元年春正月頒諭旨十一道訓飭督撫提鎮以下文武各官帝在藩邸四十餘年於人情世態無不洞悉見當日政治腐敗達於極點慨然思有以整飭之故即位即首頒振肅紀綱之詔二月甄別翰林詹事官不職者勒令解退禁部員兼攝他司事三月諭各省督撫應行幕客姓名造冊報部夏四月除山西陝西教坊樂籍令改業為民初明建文鼎革之際凡不附燕兵者咸祖惡之均收入教坊使其世執賤業不得與平民為伍至是特令革除五月諭直隸巡撫李維鈞畿甸內旗民及皇莊內人等有擾害地方者皆密奏以聞先是所在旗人橫暴小民受累地方官吏莫敢誰何帝知之特令整飭六月加封孔子先世俱為王爵秋七月江南大旱以隆科多王碩齡為明史監脩官徐元夢張廷玉朱軾覺羅達泰為總裁官並令其慎選儒臣分脩再訪山林績學之士存心忠厚學識淹通者一同編輯命於湖南地方建立試院每科另簡考官湖廣鄉試分闈自此始八月禁官民人等服用五爪龍紗服召集王大臣於乾清宮宣諭建儲事帝居藩邸時親見聖祖諸子親視儲位爭奪紛紜深知建儲之法制不善反滋流弊然若斷然廢去又維國本不立非所以計久長乃折衷兩者之間特創儲位密建法以善之是日親以四子弘曆名秘書加絨召諸王大臣入見而語其故即命取密絨置諸宮中最高處正大光明扁額之後以備不虞自是而後此制遂為一代家法九月命纂脩律例除紹興府惰民籍其業與樂籍無異故令削除之冬十二月安置天主教士於澳門先是閩督覺羅滿保疏言

西洋人在各省起蓋天主堂潛行行教人心漸被煽惑請將各省教堂改為公所其宣教師除送京効力外餘皆安插澳門從之

二年春二月諭刑部凡罪犯剝筋後即成廢人理宜審慎嗣後滿洲人犯此者應另行具奏時稱帝能慎刑惜漢族不得一體沾惠頗嘆皇仁之不廣云 頒聖諭廣訓以聖祖御製上諭十六條

推行文義得萬意名曰聖諭廣訓並製序刊行頒示天下 夏閏四月命續纂大清會典 命各省於通都大邑人烟稠密之區照京師例設普濟堂一所 命左右兩翼各立宗學一所尋復添

設覺羅學八所以教宗室子弟咸安宮崇山宮學各一所八旗官學八所以教八旗子弟時宗室八旗子弟以無教育故往往挾親貴之勢恣為威福帝特設學校以教育之皆闡大儒綜其事以

進士若舉人為之教習貴族之有教育自此始 六月閏里孔廟災是月九日申時大雷電火自鳴吻中出大成殿及兩廡俱燬帝聞遣工部堂官一員往山東會同撫臣脩從 設立井田擇內

務府餘地及入官地二百餘頃給與八旗無業人耕種共一百戶各田百畝周圍八分為私田中間百畝為公田共力同養公田俟三年後所種公田之數再行徵取令戶部派員往該村莊蓋造

房屋計口分給其耕種之人每名給銀五十兩以為置辦種粒牛具農器之用時八旗無業游民多習於頑惰常有不法之事帝患之適戶部侍郎塞德條奏及此帝大喜從之 命吏部尚書田

從典協理大學士 秋八月東南海嘯 九月停止各項捐納事例以西邊軍務將次告竣也 命山西丁銀攤入田畝徵收 冬十月封前明宗室銀白旗正定府知府朱之璉為一等侯自明室覆亡後各舉稱兵起事者輒以光復朱明為詞聖祖知民氣不平易為浮言搖動思有以消納

其思念因欲訪明裔一人量授官職以奉明祀旨未發而前帝即位詔廷臣訪求之尋廷臣等以
漢軍知府朱之地等六人引見詔封之地一等侯世襲並令同禮部差官祭告明諸陵畢仍回京
居住十一月敕某兵民等出殯時前列諸戲及前一日聚集親友設筵演戲是年八月東南
水嘯

三年春正月遣官擇西安縣官地二百頃為井田令八旗無業之人受耕欽天監奏本年二月
二日庚午日月合璧五星聯珠敕付史館頒示中外並祭告景陵三月脩浙江杭州等府江南
華亭等縣海塘從督脩浙江海塘吏部尚書朱軾請也酌減蘇松浮糧從管戶部怡王請也
臺灣陳阿難益難等六社及山後七十四社生番歸化夏五月臺灣生番巴老遠等四社貓仔
等十九社歸化冬十二月怡親王允祥等陳奏直隸水利營田事宜三款一白衛浞地等河情
形並附圖一深刷等處各設營田一揀選河身帝嘉納之著議行諭先師孔子聖誕除四書五
經外凡遇此字俱加偏旁為邱字讀作期音

四年春正月嚴立黃銅器皿之禁已成者作廢銅交官估價給值倘再有製造者照違例造禁物
律治罪時以制錢日少欲杜奸民私毀制錢之弊從御史覺羅勛因特言也夏四月命雲南通
省地丁攤入田畝內徵收秋八月河南巡撫田文鏡奏進豫省所產嘉禾有多至十三穗者帝
謂文鏡殫心竭力為國為民始能感召天祐化災稔而成豐稔著傳諭嘉獎冬十二月黃河清
自河南陝州至江南桃源縣激清二十里經歷三旬有餘勅京外官俱加一級王公紀錄一次
五年春三月改命試期於三月舉行以本年閏月節氣稍遲二月尚寒故後遂為例復開洋禁

從開督高其倬請也。其倬疏言：福興、漳泉汀五姓地狹人稠，本地所產不敷實用，請復開洋以惠商民。並令出洋之船酌量帶米回閩。夏四月，申銅禁。詔開除江南徽州寧國各府細民為良民。初，帝以江南徽州府有伴黨，寧國府有世僕，本地呼為細民，幾與樂戶情民相等。且有兩戶村莊相等，而此姓為彼姓服役，有如奴隸。究其主奴之關係，何自而起？則茫然無攷。詔江督查明定議。尋禮部議准：皖撫魏廷珍奏請，嗣後紳衿家典買奴僕，有文契可攷，未贖身者，本身及子孫俱聽從役使。至年代久遠，文契無存，不受主家奉養者，概不得以世僕名之。永行嚴禁。詔從之。冬十月，川陝總督岳鍾琪勦撫達昌克山番人事竣，命議叙。冬十一月，賞給八旗校射人等銀兩。帝御瀛臺考試各省武舉，時射後欲炫耀八旗人等藝勇，特令當眾校射所用之弓自十八箇力至十三箇力不等，舉重若輕，從容合度。武舉等皆驚服，帝大悅。令分別賞給銀兩。十二月，令各省六年巡拔一次。命各省丁銀攤入田畝徵收。從江督范時繹請也。

雍正六年春正月，賜還安南國界內地舊境四十里。先是，滇督高其倬奏請清理安南疆界，應於賭况河立界，可收回舊境百二十里。安南不允。命現任督臣鄂爾泰清查，給還八十里。於鉛廠山下小河以內四十里立界。安南復激切申訴。帝以其地山川形勢中外截然，勅諭之。國王乃表謝。帝嘉其詞旨恭順，仍以四十里賜之。二月，四川越衛官馬殿等處番民五百二十五戶及會監營所屬木里刺麻六藏塗都先後內附。夏五月，擢河南巡撫田文鏡為河東總督，管理河南山東二省事。務謂其善政為直省第一也。後不為例。秋八月，以引見人員陳泰履歷關粵兩省人，鄉音不可通曉，令兩省督撫轉飭所屬各地方官傳示教導。尋兩省督撫遵建正音書院於諸

州縣以為士民學習官音之地。

七年春正月雲南卿雲見督臣鄂爾泰以聞加鄂爾泰三等阿思哈尼哈番文武各官俱加級有差先雲南卿雲見司道詣督府庭賀大理令劉某獨曰某眼昧實不見慶雲鄂爾泰為之默然者久之二月諭兩江總督尹繼善合建新輔齊蘇勒祠帝以二人先後治河有功民社應予祀典著於黃河就近地方合建祠宇有司春秋祭祀夏五月除廣東濱海鹽戶籍編入保甲黃戶以船為家不得陸居至是飭該省督撫通飭曉諭准其登岸與齊民一同編列保甲秋九月鄂爾泰奏報雲南白崖鄉平地湧出甘泉二股一出仙女莊一出蝦蟆口

八年春正月直隸總督唐執王奏鳳凰見於房山江寧織造隨赫德山西巡撫覺羅石麟同奏是月朔日食不見夏五月除江蘇常熟昭文二縣馬戶稽馬戶與情民無異至是削除其籍列為編氓餘如江西浙江福建所屬山縣內棚民亦先後列入保甲六月甘肅卿雲見撫臣許容奏是月十五日遵旨於河州口外營建河神廟即有祥雲捧出五色成文秋七月甘肅黃河清許容奏稱是月五日自積石關至撒喇城查漢達斯等處百餘里黃河激清徹底凡歷三晝夜八月京師地大震冬十月殺白雲觀道人曹士芳士芳河南人曾居京師白雲觀以怡王薦召見尋假歸河南後復以李衛田文鏡交章薦入宮治疾因誦經咒有天地聽我主持鬼神歸我驅使之語帝嚴旨切責其妄誕士芳乃作法為祟意在魔魅時江西道人婁近垣被召入京於宮中結幡招魂靈壇禱雨皆有左驗帝信之命居正大光明殿至是為帝設醮宮中祈禱四十九日患始除封近垣為妙應真人士芳伏法其親屬男年十六以上皆斬十五以下並母女妻妾發功臣家

為奴。江南地長。十二月頒烟禁。吸食者與販賣者枷杖。再犯送遠充軍。鴉片烟產自英吉利。自東印度商船會以之輸入中國民間。始有吸食者。是年八月京師地震。至一月有餘。十月江南地震。

九年夏四月廣東瓊山饒州歸化寺州縣生黎內附。六月以旱命刑部清理刑獄。冬十二月朔日食。

十年夏五月以京師旱清理刑獄。秋七月江南大風海嘯。冬十月大學士九卿等奏景陵寶城山產瑞芝九本詔付史館。

十一年春正月命直省設立書院。夏六月山東巡撫岳濬奏鉅野縣民李思家牛產瑞麟。勅付史館。並宣示中外。禁民間刊刻書冊。凡遇胡虜夷狄等字。每作空向。又或改易形聲。如以夷為貳。虜為鹵之類。犯者照大不敬律治罪。在避忌諱者。以此為尊君。而帝則謂猶泥滿漢之形迹。反昧於君臣之義云。秋七月四川總督黃廷桂奏鹽亭縣牛產瑞麟。

十二年春正月以元旦立春雪。帝大悅。語諸臣曰。此天心所以示喜也。豈得不以為慶。三月河南學政俞鴻圖受賄營私。伏誅。秋七月江南大風海嘯。

十三年春正月雲貴總督尹繼善奏十二年十二月二十九日恭逢聖誕之辰雲南楚雄等處卿雲見同時廣東奏亦於是日卿雲見山東奏寧陽縣產麒麟。二月禁文武生員入伍食糧。夏四月停旌表烈婦之例。秋八月帝崩。壽五十有八。謚曰憲廟。號世宗。葬易州太平峪。號泰陵。皇四子弘曆嗣位。以莊王允祿果王允禮大學士鄂爾泰張廷玉輔政。諭遂道士張太虛王定乾

等。先是世宗時太虛等以爐火修鍊之術供奉西苑。至是命張遜回籍。諭內監等國家政事。毋許妄行傳說。外言亦無得傳入內廷。違者正法。先是世宗升遐之日。早朝如常。午後忽召鄂爾泰入宮。外間已喧傳恭親之耗矣。鄂爾泰入朝時。馬不及鞍轡。騎煤廐而奔。髀血淋漓。下宿禁中。七晝夜始出。時值國家承平。長君繼統。何所危疑。而倉皇若此。於是大行被刺之說紛起。因有是諭。編者曰。世宗自謂敬天信神。又喜言祥瑞。在瀋陽時。見聖祖諸子中。觀觀非分者。各著表術士為秘密之運動。以傾陷儲宮。身幾不免。而已雖備遭崎嶇。卒復玄佑。及入繼大統。次第剪滅諸藩。位尊志盛。遂復布衣長生。清虛學道。李衛田文鏡輩。復以心性之學導之。表薦通曉性宗道教者。賈士芳。晏近垣等人。供奉左右。謂可為調攝頤養之助。故十餘年來。禱祠林立。封神殆遍。於是欽天監及封疆奏報嘉祥。如珠聯璧合。瑞雪卿雲。甘露醴泉。嘉禾芝草。麒麟鳳凰。黃河激清。日食不見之屬。以逢迎之。世宗雖外示謙懷。聞言內喜。以為帝王有真神靈非常。方其延道士晏近垣入宮也。招鶴則仙禽降庭。禱雨則春霖立霽。世宗信之欣然。以神仙可致。尊之為妙應真人。居之於光明殿上。迨至宮中。崇作賈士芳下獄被戮。而張太虛王定乾之徒復聯翩入侍。其時大臣持祿為阿諛。小臣畏罪而將順。謬認盈廷無敢發言者。則羣臣習見夫世宗以猜疑誹謗戮辱臣下。故於深宮之舉動。未敢有所反對也。直至金石燥烈。鼎湖龍升。高宗踐阼。始盡逐西苑供奉諸道士。還故里。以世宗在位十三年。用兵斂財。世宗在位時特置封禪庫於內閣之東。一切贖款羨餘銀兩存焉。末年三十餘萬。以至神仙土木之役。疲耗海內。幸以大權在握。政不下移。其英毅不減於漢武帝。明世宗。故未為始皇道君之續耳。迨其後嗣孱弱。

受制母后義和神拳紅燈照為之滋禍遂致觸怒強鄰國隨以破聯軍長驅入北京兩宮蒙塵
一蹶不振作法於涼為子孫常可不慎歟

清史紀事本末卷三十四

兄弟猜忌及大臣之逐戮

聖祖康熙六十一年冬十一月世宗即位命貝勒胤禩十三阿哥胤祥大學士馬齊尚書隆科多總理事務召撫遠大將軍十四阿哥胤禔馳驛回京封胤禩和碩廉親王胤祥和碩怡親王胤禔多羅履郡王二阿哥胤祁子弘哲多羅理郡王先是康熙中胤祁居儲位會聖祖親征準噶爾胤祁奉命監國以性仁弱故為政務寬大不為聖祖所喜於是諸皇子希冀非分相與蓄術士結宦官為秘密之運動以傾陷之聖祖不察胤祁卒以此召禍一再冊立仍被廢斥及世宗嗣立恐諸人仍前因結將不利於己以胤祁胤禔久被幽繫不復能有所為胤禩等庸懦無足慮惟胤禩才望為諸王冠思有以籠絡之胤禩而能翰誠輔己者王黨勢孤日就消滅自無與朝廷為敵者乃封胤禩親王令與馬齊等同理政務餘晉爵親王郡王有差又以胤禩為胤禩同母弟其出征西寧時中外羣相揣測謂聖祖試用胤禩使之立大功於國家為將來定儲地此時胤禩擁重兵在外深得西北方人心恐其生異志特召令還京師而改以胤禩派往軍前發遣前編脩陳夢雷父子於關外夢雷前緣事發往關東後聖祖東巡時以其學問優裕帶回京師令在誠親王處幫同編輯古今圖書集成書成書誠王夙以文學著稱夢雷日侍左右世宗忌之至是坐以招搖不法並其子再發遣命諸王阿哥名上一字改為允字以與世宗御名同也

世宗雍正元年春正月禁侍衛官員等私在諸王門下行走二月發遣內大臣勒什亨往西寧隨貝子允禩効力先是允禩派往軍前時怏怏不欲行曰我何罪而斥我萬里且居喪未過百日

俟陵寢回時再往亦未為遲帝怒謀其太監何王桂管領漢給事秦道洪當處治二人時帝語勒什事不必記在檔案而勒什事記之故有是謠三月晉封輔國公阿布蘭為多羅貝勒賞給佐領總理事務時論阿布蘭嘗告二阿哥允祁楚書一事故擢用之後以大將軍允禔自軍前回時阿布蘭不應出班跪接又宗人府建立碑亭阿布蘭擬文勒石不應頌揚大將軍功德著革去貝勒撤其佐領夏四月帝自山陝回京師命貝子允禔留駐陝後附近之湯泉五月詔徙理郡王弘哲於鄭家莊去京二十餘里晉封貝子允禔為郡王語王大臣曰允禔心志高傲從此不自改悔則國法具在朕不得不治其罪允禔來時將此傳諭知之冬十二月革廢郡王允禔王爺仍在原固山貝子上行走以其自封王以來並不感激効力之故

二年夏四月革郡王允禔爵禁錮宗人府因奉使出口遲延不行也五月革貝子弘春爵弘春允禔子六月降貝子允禔為鎮國公以冊封貴妃金冊有舛錯故發遣貝勒蘇努內大臣德寧於右衛刑部尚書七十於三姓地方皆坐黨附諸王也秋七月郡王允禔謫守景陵允禔自立功西藏中外頗稱道之故帝忌之特甚冬十月發遣刑部尚書二等公阿爾松阿於奉天坐交通藩邸也十一月革世子弘晟為閑散宗室弘晟允禔子革裕親王保泰為坐黨廉邸故二阿哥允祁楚追封和碩理親王諡曰懿

三年春二月發遣二等公鄂倫岱於奉天因其黨阿廉邸也夏四月解年羹堯川陝總督大將軍任補授杭州將軍羹堯為藩邸舊人帝初登極時慮諸王為變常令羹堯表甲以從前後以平西藏青海莊浪積功爵上公晉太傅賜金黃服飾（皇子服諸王特賜者始許服）三眼花翎（

貝子品制。四正龍補桂。親王服諸王賜者亦少異。姓初無賜者。待以與御服無別。親王且改二行龍。二正龍矣。其龍異之如此。實前後勲臣所未有。後帝妄以密訪允禔在軍中時劣跡。戒曰。得狀吾必有以厚酬汝。冀免察其無可議。乃力為奏辯。帝深滋不悅。至是以冀免賀表內朝乾夕惕。悞作夕惕。朝乾帝怒曰。冀免既不以朝乾夕惕許朕。則冀免青海之功。亦在朕許與不許之間。其自恃有功。故為怠慢耶。抑或殺戮過甚。致此怠慢也。觀其平日帶兵尚屬勤於操練。可改授杭州將軍。六月。革年羹堯之子年斌子爵。年富男爵。隆科多之子玉柱鑾儀使職。秋七月。撤隆科多太保銜。坐拘厄年羹堯也。並革年羹堯杭州將軍職。授閑散章京。在杭州効力行走。革貝子允禔。避因山西巡撫伊都立參奏其縱屬毆民也。九月。革輔國公普照爵。普照妻堯妻叔。削去太傅一等公年羹堯職銜。逮京審擬正法。冬十一月。革內務府總管來保職。以其阿附誅王故。十二月。降郡王允禔為固山貝子。謂允禔為大將軍時。任意妄為也。賜年羹堯自盡。帝久欲殺羹堯。然以其功大。不予保全。恐有為盡弓藏之誦。因而猶豫久之。會四川巡撫蔡珪被羹堯劾入京。因而陳羹堯不法諸款。命將軍舒撫提鎮議奏。諸臣迎合奏請。連加誅戮。議政處遂臚列羹堯九十二大罪。應立正典刑。帝令羹堯自裁。子富立斬。餘十五歲以上之子。發遣極邊烟瘴地方充軍。妻係宗室之女。遣還母家。族中文武官革職。其嫡親子孫將來長至十五歲。陸續發遣。永不赦回。有隱養其子孫者。以貪附叛逆例治罪。父太傅一等公。遜齡兒工部侍郎希兒俱革職。遜齡時年八十餘。初亦坐死。大學士朱軾力爭。言以子刑父非法。得免。

四年春正月。詔允禩允禔。蘇努。吳爾占。副都統宗革去黃帶。子允禩改授民王。妻革去福晉。休回。

外家嚴行看事。初允禩冊封親王。其妻黨往賀。福晉語來賓曰。有何喜可賀。恐今日封王。明日不能保首領耳。帝聞而惡之。至是並坐。革隆科多職。派往阿爾泰地方辦理界務。隆科多為帝元舅。頗有機幹。帝之復當璧也。隆科多與有力焉。故帝即位伊始。不時召見。造膝密語。頻與飲至更深。隆科多或致沈醺。令人輿送出宮。初今其承襲父佟國維一等公爵。尋加太保。授吏部尚書兼步軍統領。諭令收奏處書寫。勇勇隆科多。後叙輔政功。復賞給一等阿達哈哈番世職。及年羹堯得罪。交部議處。隆科多時長吏部。未將羹堯公辭議革。帝謂其袒羹堯深惡之。然當時臣工尚無敢言其罪者。值田文鏡幕客邱某者。窺知帝意。為文鏡草疏劾之。疏上。隆科多果得罪。而文鏡自是寵遇日隆。其得君之專。一時大臣無與倫比。二月。民王允禩貝子魯賓簡親王雅爾江阿鎮國公永謙俱除籍。允禩魯賓俱監禁高牆。魯賓雅爾江阿永謙等皆坐認附允禩允禩也。三月。勅改允禩名為阿其那。允禩名為塞思黑。譯言猪狗也。時帝必欲殺二人。命諸大臣議其罪。大學士徐元夢泣奏曰。願上念手足之情。免二人死。帝怒。謫元夢中書舍人。撤食侍講俸錢名世職銜並書名教罪人四字。令該管地方官製扁額。張掛其居宅。又令廷臣各賦刺惡詩。一併交與名世自行刊刻進呈。頒示直省各學校。以其嘗贈詩年羹堯。稱頌平藏功德。謂當立碑於聖祖平藏碑之後故也。夏五月。派兵提解允禩並其子白起來京。禁錮壽星殿。殺鄧倫岱及阿爾松阿。戮蘇努及七十餘輩。固山貝子滿都魯善郡王訥爾素遜裕親王廣寧等俱監禁宗人府。秋八月。署直隸總督李紱奏報允禩病故。先是詔解允禩回京治罪。都統楚宗侍衛胡什禮等將允禩用三條鎖鎖等。至保定。奉旨即在此拘禁。及胡什禮回奏。述李紱有塞思黑一到。我即使宜行事。

之語帝命胡什禮馳往諭止尋紱奏稱並無此語及紱奏報允禔患病帝命楚宗胡什禮揀選名醫用心調治至是紱以塞思黑病故奏聞九月宗人府奏報阿其那病故先是帝命將允禩改禁宗人府旋降旨曰管理宗人府順承郡王錫保才品優長乃國家實心効力之賢王今在內廷行走差違甚多著給與親王俸擬衛官員俱照親王之數給用至是錫保以阿其那病故報聞冬十一月命將塞思黑之妻逐回外家嚴加禁錮

五年冬十月禁錮隆科多於暢春園外隆科多以帝令宗人府除去允禩等名因囑輔國公阿布蘭私抄玉牒底本存貯家中欲留為將來對合地也帝聞之大怒革阿布蘭公職園禁家中調回隆科多治罪至是錫保奏隆科多罪狀凡四十一款請正法命於暢春園外附近空地造屋三間永遠禁錮子岳興阿革職王柱發黑龍江當差十二月禁錮將軍貝勒延信於暢春園外先是錫保奏延信罪狀二十款請斬決命與隆科多在一處園禁因延信嘗稱允禩為人樸實阿靈阿為人傑又有旨詢問允禩年羹堯罪狀並不據實揭報也

六年夏六月降詔親王允祉為郡王錫保奏允祉嘗在御前喝責三大臣等意無臣禮應革爵禁錮帝曰朕惟此一兄從寬降為郡王其子弘晟著交宗人府嚴行鎖錮

八年夏五月革允祉王爵禁錮景山永安亭宗人府奏其於怡親王喪事舉哀時全無悲泣之狀性情殘刻罪惡日積應削去王爵革去宗室即行正法命從寬拘禁自是帝之兄弟及諸大臣凡為帝所猜忌者悉逐無遺矣

清史紀事本末卷二十五

嚴禁朋黨

世宗雍正元年夏四月帝初御乾清門聽政顧諸大臣曰朋黨惡習起於明季此風至今未息爾大臣有則痛改無則永以為戒反覆數百言誥誡至切先是康熙朝廷臣見聖祖春秋高儲君在位以來能移愛尊之機屢朕窺測聖心或有所默契者在相與謀擁護冀得一黨以建非常之勳而東宮官屬等思所以竭誠保護太子亦復固結其團體以相抵制於是分別門戶互相傾軋時分三黨各有私人如大學索額圖則黨於胤禩內大臣公佟國維則黨於胤禩尚書隆科多內大臣公費揚古等則皆輸誠於帝因之皇室召紛擾者數十載其後康熙四十七年廢儲命下胤禩亦得罪聖祖晚年親諸子不肯黨派紛爭無術以善其後為之憂情感傷至於齋恨以殓及天命有歸帝嗣立思有以解散諸人之黨援故於御門聽政之始即面諭諸王大臣諄諄以此為戒焉二年秋七月帝製朋黨論頒賜羣臣帝即位一年餘以來翦除王黨太急致人心惶恐門戶之見日深帝慨然憂之以為欲除朋黨之源當令與論之所是非與朝廷之所賞罰相為一致於是製朋黨論以駁宗殿陽修君子有用之說頒示滿漢諸臣其大要謂天尊地卑而君臣之分定為人臣者義當惟知有君則其情固結而不可解而能與君同好惡夫是之謂一德一心而上下交訓誠殷殷較前更為諄切八月王大臣奏蒙恩頒賜御製朋黨論訓誡諒切臣等共矢公誠敬謹奉行帝召入問曰如王大臣等所奏未知是否眾意僉同抑或出於二三人之意見今既稱同意朕心深為慰悅但責實心奉行不可徒託之空言也復再三勉以一德一心共臻上理逾日又召

諸臣入告以宗室習氣之未善。彼此視若仇讎。皆由讒邪搆其間。致令骨肉生嫌耳。且歷數胤祁胤提胤祺胤胤禔等之過失。謂其不識君臣大義。及從前諸臣保奏胤禩為太子之非。是後復召諸王宗室入塾訓以結黨惡習。各宜返躬自問。有則速改。無則加免。且謂吾宗室甚眾。務期和衷一體。父相承。以為子孫表範。冬十一月。先是工部郎中岳周拖欠錢糧。胤禩私為補助數千金。俾得如數完納。帝謂胤禩有意要結人心。至是語總理王大臣等曰。胤禩存心狡詐。結黨營私。朕屢加訓誡。冀其改過自新。乃在廷諸臣為其所愚。反謂朕過於苛刻。為其抱屈。此朕實察諸人神色而知之。一年以來。大小臣工因其貽累者不少。乃甘受罪戾。並無悔心。似此其黨援終無解散之日也。彼既怙惡不悛。諸臣復不省悟。用特諄諄誡諭。倘諸臣洗心滌慮。盡改前非。則其黨散勢孤矣。尋傳語九卿大臣及工部上駟院兩衙門官員等曰。康熙王有心擾亂國政。暗使銀錢惑買人心。汝工部上駟院兩衙門人等。慎勿墮其術中。為所愚弄。用是再加曉諭。汝等但於辦事效力之處。一歸於正。勿被其引誘惑亂。如無知入其黨與。朕必治以重罪。

三年春二月。戊戌。公爵鄂倫岱於奉天召王大臣入。語以胤禩等私結黨援。牢不可破。若一經訕詰。則國法難容。朕因欲保全骨肉。不事深求。但將其黨首鄂倫岱發遣。使之遠離京師。以免遇事生波。嗣後大小臣工。若有暗附胤禩之黨者。必置之重辟。使彼等黨援解散。無附會濟惡之人。正所以曲為保全之計也。三月。通諭八旗。嚴禁家人結黨。著交步軍統領。五城官員。凡大臣等之家。人如有嫁娶筵席。延請親友等事。令各稟明家主。然後舉行。倘有私結黨羽。約為兄弟。彼此會飲。將以鑽營請託者。即嚴拏治罪。夏四月。驗看工部製辦阿爾泰兵器。大臣等僉來保回奏。所製

器械並不堅利。帝召諸王大臣入。詰之曰。朕與廉親王分屬君臣。誼屬兄弟。今觀胤禩之於朕。則情如水火。勢爭敵國。朕屢於諸王大臣前降旨訓誨。視諸王大臣之意。多有以為屈抑者。何也。汝王大臣等。果能悉知其非。則其黨與自然解散矣。五月。以隆科多年奏免得罪革職。問擬謝大學士九卿等。凡屬二人門下。宜亟解散黨羽。洗心革面。違者。從寬之時。決以逆黨從重正法。六月。以總督岳鍾琪。高其倖楊宗仁。提督吳世璠。魏經國。深知大義。不附邪黨。俱著加太子少保銜。總督孔毓珣。河道總督齊蘇勒。俱加兵部尚書銜。秋七月。衍聖公孔傳鏞疏請頒賜聖諭廣訓朋黨論二書。帝優詔答之曰。先師子孫。從無趨附匪黨之事。所請二書。不必頒發。

四年春正月。宴諸臣於乾清宮。諄諄告誡諸臣。毋蹈年羹堯隆科多結黨營私。致罹國法之覆轍。夏五月。以胤禩胤禪胤祹等。與鄂倫岱阿爾松阿蘇努七。十拉錫普奇。揆叙阿靈阿等。結為朋黨。鄂倫岱等在聖祖前。協力保舉胤禩為太子。及屢稱胤禪氣象大方。種種不法。已先後分別治罪。特曉王大臣九卿等知之。冬十二月。發遣御史謝濟世於阿爾泰。先是田文鏡撫河南。誣劾屬吏黃振國。邵言綸汪誠閣。敞等。直督李紱過河南。面斥文鏡有心蹂踐讀書人。文鏡密奏。紱與振國同年。將結黨為被劾諸員謀報復。已而紱果面奏。退復連疏糾之。帝先入文鏡言。將罪紱。而濟世還章劾文鏡貪黷不法十罪。疏中亦及振國等事。帝不懌曰。彼號能臣。朕方倚任。爾毋惑浮言。誣奏。撤還其疏。濟世伏地不肯起。爭益力。帝震怒。命九卿科道集刑部。訊交關狀。濟世曰。文鏡之惡。中外皆知。濟世持孔孟書。粗識大義。不忍視姦人罔上。故冒死以聞。必欲究指使者。乃獨有孔子孟子耳。尚書勵杜訥曰。是當刑訊。御史陳學海在班中。忽起走庭中。北向大言曰。與謝

宋交通者我也。眾愕然。將以聞。請并誅。俄傳諭罷。謂濟世職發阿爾泰軍前効力。

五年秋八月。遣工部右侍郎李紱奉天府尹蔡珽入京。下於獄。先是紱撫桂時。以清直為帝所器。重權臣忌之。作四巡撫論。皆痛詆。以為亂政之魁。四巡撫者。滇撫楊名時。東撫陳世倌。其二則紱與珽也。至是。紱在直督署任內。珽在奉天。因謝濟世參劾。田文鏡帝謂出於紱與珽之授意。逮京治罪。至於議斬決。妻子入卒者庫。浣衣局。財產入官。命從寬改斬監候。兩次決囚。縛二人同至西市。兩手反接。刀置頸間。問此時知田文鏡奸否。紱對曰。臣愚雖死。不知田文鏡奸處。乃俱赦。是仍置請至。珽立朝。大風節炳。其當帝在府邸時。聞珽名。屢使王府行走。馬爾齊哈授意珽。令往見珽。辭之曰。珽職居學士。無往見藩王禮。後年羹堯入京。至邸謁帝。帝極贊稱珽與塞爾圖之才。可謂見賞超羣類。並告以招之不來之故。羹堯出見珽。遂語及之。且勸珽入見。珽仍堅辭如故。及二人之得罪也。朝士完之時。以文鏡得罪。事無敢為之緩頰者。遂困於文鏡。幾死。冬十二月。詔大將軍貝勒延信有懷援營私之罪。已褫革職。禁因語廷臣曰。人臣朋黨之弊。最足以害人心。亂國政。因歷舉蘇努。阿靈阿。鄂倫岱等。同惡結黨之罪。謂朋黨小人。自古帝王之所必誅。聖賢之所垂戒。唐虞之世。共工驩兜比周為黨。舜必真之於法。孔子曰。君子矜而不爭。羣而不黨。易經渙之四曰。渙其羣。元吉。朱子謂上承九五。下無應與。為能散其朋黨之家。則大善而吉。末復謂彼等比黨之害。朕在藩邸時。知之甚悉。故臨御以來。將其朋比為奸之處。屢次宣示中外。蓋為世道人心宗社國家計。不得不痛予懲創。嚴加誡諭。惟冀大小臣工。以此為炯戒耳。

七年夏五月。詔科道等官。嗣後條奏事件者。如文武大臣等。輪班具奏。先是帝以科道諸臣對於

朝廷之舉動有發言之權而中外大臣往往要結言官以對朝旨議論器然深患之因命科道等
於露章之外准其密摺奏事蓋欲免言官瞻顧嫌疑之私即以去臣工植黨營私之弊也繼又以
近於密行告訐恐言官藉以挾制把持乃停止其密摺令各仍用露章由是科道等相率緘默不
言無敢有所建白帝深滋不悅謂以朝廷耳目之官視國家之政治如陌路忍心害理莫此為甚
因手諭訓飭令科道等痛改頽風洗滌故習盡諫言獻替之道成蕩平正直之風苟或植黨營私
辯言亂政此倡彼和顛倒是非實國家之罪人為王章所不宥云自此令一下而臺臣之風氣反
視前為繚轉矣秋七月詔罰給事中邱尚志御史李元直俸因尚志密奏崇文門餽銀一事不
應漏洩於外元直於未行密奏備訪他人密奏之事而後入奏大忤帝意令分別罰俸並手諭內
閣指為朋比黨援作威作福之漸令傳諭科道諸臣嗣後僅有密奏之事朕未將本人姓名發出
而本人自行漏洩或私自存稿者一經發覺必嚴行訊究從重治罪冬十月諭翰詹科道等勿
蹈朋黨惡習因引康五瑞祖誼李紱究不能掩其惡李紱蔡珽欲害田文鏡反自害其身為衆人
炯戒茲諭諸人時時體認此旨以期躬行實踐云諭科甲出身官員等務去其黨援朋比之結
習為朝廷殫竭忠誠秉公辦事將見君臣上下一德一心治道自此而日隆世風自此而日厚時
田文鏡不由科目出身每因奏事痛詆科甲中人為不可信帝素重其言故有此諭

清史紀事本末卷二十六

青海及準部之用兵

世宗雍正元年秋八月青海羅卜藏丹津率眾內犯。命川陝總督年羹堯備兵迎擊。青海自康熙三十七年內屬中國。常資其力以捍準部。西藏之役。青海諸部長皆從征。以功晉封王公者甚眾。至羅卜藏丹津襲和碩親王。自以青海及西藏舊皆和碩特屬土而已。又顧實汗嫡孫當面復先入霸業。總長諸部聞帝新立。欲來機脫中國羈絆。乃誘諸部聯盟於察罕陀羅海。令各復故號。不得稱王貝勒公等爵。而自號達賴汗。台吉以統之。又誘使青海大喇嘛察罕諾們從己。復陰約準噶爾部長策妄阿喇布坦為後援。於是青海與準部之聯合成。而遠近游牧剽掠二十餘萬同時騷動。惟丹津之同族郡王額爾得尼及親王察罕丹津不從。先後挈眾內奔。丹津率兵追之。帝聞命。青海理事大臣侍郎常壽傳諭丹津。令罷兵。丹津不奉詔。反誣額爾得尼等謀據西藏。因諸部不服。將率眾與決勝負。至是已渡黃河。廷議調西寧兵。於其渡河時邀擊之。於渡口故有是命。冬十月。命年羹堯為撫遠大將軍。駐西寧。相機進剿。羅卜藏丹津以四川提督岳鍾琪參贊軍務。丹津以沙拉圖為根據地。遣兵分窺西寧附近堡驛。先後誘執侍郎常壽。筆帖式多爾濟。幽之堪布廟中。羹堯既奉詔督師。乃分兵北扼布隆吉河。疏勒河。防其內犯。南守巴塘裏塘等地。斷其入藏之路。又請勅靖逆將軍富寧安調都統穆森。吐魯番駐防副將軍阿喇衲。分屯吐魯番及噶斯湖。絕其與準部之交通。而令鍾琪自松潘至西寧沿途防堵。於是丹津屢次遣兵分寇西寧。皆敗去。時多爾濟已不屈死。丹津遂常壽歸。而上表請和。帝不許。

二年春二月舊威將軍岳鍾琪率師直抵青海之沙拉圖羅卜藏丹津遁擒其家屬青海平先是帝知丹津窮蹙益趣羹堯進兵羹堯請於四月草生時由西寧松潘甘州布隆吉河分四路進攻鍾琪則以分攻非策願束青草未生時兼程進以持其不備廷議壯之授鍾琪舊威將軍專任西征事鍾琪遂以是月初八日出師由布爾哈屯趨沙拉圖沿途賊敵哨探直抵其帳敵始知兵至倉皇驚潰丹津衣番婦服夜遁其母阿爾太喀七及其妹夫克勒克濟農藏巴吉查並八台吉等悉就俘降者數萬自出兵至此前後僅十五日帝大悅詔封鍾琪三等公羹堯及其父遜齡均一等公晉大傅青海悉定

七年春三月以內大臣公傅爾丹為靖邊大將軍出北路川陝總督公岳鍾琪為寧遠大將軍出西路往征準噶爾初羅卜藏丹津往投準噶爾策妄阿喇布坦朝廷屢遣使索之不奉詔時西北兩路之師已撤雍正五年冬策妄阿喇布坦死子噶爾丹策零立帝欲乘喪討之大學士朱軾都御史沈近思皆以時未至惟大學士張廷玉主用兵時傅爾丹襲爵為領侍衛內大臣以容儀修偉薦為帥至是舉大將壇率師五萬行諸蒙古諸臣皆執鞭以從都統達福力諫帝曰策逆已死噶逆新立何云不可達福曰策逆雖死老臣固在噶逆親賢諸酋長皆感其先德力為捍衛我以千里轉餉之勞攻彼効死之衆臣未見其可况潘暑未易興師乎廷玉曰六月與師載諸小雅君未知耶達事愈力帝曰然則命汝副傅爾丹行尚敢辭耶遂出師命達福從征

八年夏五月詔岳鍾琪傅爾丹回京命侍郎杭奕祿眾佛保偕準噶爾使臣特磊前往議和先是雍正七年十月鍾琪師抵陶賴大板斥候適策零遣特磊至詭稱已解送羅卜藏丹津前來以聞

出師而止。至是復遣特磊至京請朝廷赦其已往。當以丹津獻帝信之。命暫緩進兵。遣杭奕祿等偕特磊往議。且詔兩大將軍回京。而以副將軍巴賽提督紀成斌分攝兩路軍事。冬十二月。準噶爾兵犯西路。聞舍圖卡倫。刦牧場。總兵官興廷等擊退之。初。岳鍾琪奉召入覲。紀成斌既推西路軍。命副參領查庫領卒萬人牧駝馬。庫以偏裨督五十人牧放。已率眾避寒山谷間。置酒高會。為樂。策來不備。越卡倫。縱掠駝馬。庫棄軍走。總兵曹勛聞警。率兵往救。敗績。總兵官興廷率副將冷大雄等以兵二十轉戰七晝夜。救出卡倫守兵。會合總兵官張元佐等擊殺敵兵無算。駝馬牲畜悉奪回。庫見成斌。委罪於勛。成斌哂之曰。滿洲人之勇固如是乎。收庫將斬之。而鍾琪自京回營。成斌告其故。鍾琪驚曰。君今族矣。滿洲為國舊人。吾儕豈可與抗。以干其怒耶。解庫縛。以善言撫之。而委罪於勛。斬以徇。庫反恨鍾琪。利骨後。總督查郎阿聞邊故。庫戚也。入庫言。劾鍾琪。逮獄。論死。斬成斌於軍。庫竟得免。

九年夏六月。傅爾丹敗績於和通泊。副將軍巴賽等戰死。策零遣大策零敦多策。策敦多布以兵三萬犯北路。先遣諜至科布多。佯為我獲。詭言準部連年與可薩克交戰。駝馬羸弱可襲而破。此時大隊未至。其前隊千餘。駝馬二萬。在博克託嶺。距此三日程。傅爾丹欲進師。副都統定壽。海壽侍郎永國等力諫。傅爾丹絕然曰。國家所以無敵者。以武臣不畏死耳。君等安可蹈漢兒弱習哉。命整軍以進。主事何溥扣馬諫。傅爾丹曰。最爾漢儒。安識兵事。以鞭扶其手而去。翌日。前軍至和通泊爾。譯言大澤。聞胡笳遠作。趨表四合。如黑雲。遂為敵軍所圍。傅爾丹最後軍往援。前鋒四千悉戰歿。直犯中軍。傅爾丹命蒙古兵禦之。科爾沁蒙古偃紅旗首遁。土默特蒙古奮身入敵。

曼衆見白旗謂索倫兵敗駭曰白森兵陷敵矣諸軍遂大潰終夜甲仗聲不絕傅爾丹舉止失措惟撫馭滿洲士卒曰慎勿墜家聲也於是自副將軍巴賽查納納以下蘇圖馬爾齊西彌賴海蘭戴豪等先後戰死及自殺者凡十餘人定壽海壽永國何溥達福與焉皆一時將帥之選也得還科布多者僅二十人敵獲塔爾岱以皮繩穿其腔威以皮囊載諸馬後從容唱胡歌返科爾沁王匿待中免以鉅金賂傅爾丹傅爾丹受賄反謂土默特兵先敗收公沙律斬之士卒皆忿收報聞帝大恟曰悔不聽達福言詔以大學士馬爾賽為撫遠大將軍屯歸化城降傅爾丹振武將軍而以順承郡王錫保代之移科布多營於察罕度爾初岳鍾琪赴傅爾丹穹廬中會議進兵見四壁刀架森列問何所用傅爾丹曰此吾所素習懸以勵衆鍾琪出語人曰為大將者不恃謀而恃勇亡無日矣至是如所料

十年秋八月和碩親王額駙策凌大破準兵於厄爾得尼昭準將小策零敦多布西遁策凌為元裔自幼侍內廷尚公主尋攝屬歸塔米爾河累從征漠北有功雍正九年九月噶爾丹策零既敗傅爾丹於和通泊乘勝東犯喀爾喀取道阿爾泰山南入策凌迎擊於鄂登楚勒河大破其衆是年七月策零遣其將小策零來犯厄得爾河錫保檄策凌禦諸木博圖策凌既西策零乃突襲其帳於塔米爾河掠其子女牲畜策凌聞警即回師馳救並請錫保發兵夾攻至是大破小策零之衆於厄爾得尼昭（光顯寺）敵三萬幾盡殲而錫保之援兵不至小策零得從推河遁去策凌急檄馬爾賽於拜達里克河邀擊之馬爾賽閉關不出曰吾奉命屯戍於此未奉退賊之命也軍士登城望見敵騎過者紛雜不復成行列請開城迎擊其副師都統于秋以鞭揮衆曰緊閉門越

者斬。諸將益憤。裨將傅籍慷慨言曰。相公奉命還敵歸路。今反突至此。奈何。任其颺去。率本部斬關出。擊斬于計。而小策亦已從前隊過。事聞。斬馬爾賽及李扶以徇。錫保王爵。

十二年秋八月。降旨。能征準噶爾。遣侍郎傅籍。學士阿克敦。前往議和。策零自厄爾得尼昭大創之後。稍稍徙去。兩路將軍陳師邊境。欲誘之使來。以使邀擊。而策零持重。究不至。至是。經略鄂爾泰。出巡阿克蘇。歸。言。準部未可猝滅。擾攘中華無益。遂降旨。罷兵。北路撤歸鄂爾坤。河西路撤歸哈密。巴里坤。遣歸等。往準噶爾。商議清畫疆界事。計自康熙五十六年。備邊以來。糜餉七十餘萬。勞師十六七載。至是始克有平和之希望。然至乾隆年間。又來準部之內亂。而遠征軍紛紛出沒矣。

清史紀事本末卷二十七

俄訂尼布楚條約及增訂市約

世宗雍正四年春正月。遣革職吏部尚書公隆科多等往楚庫拜姓地方辦理俄羅斯疆界事務。自康熙二十八年十月。尼布楚條約締結以後。中俄邊境之紛議漸泯。未幾喀爾喀三汗內附。其一切主權皆操之中國。俄人於喀爾喀土謝圖部之貿易轉而與中國政府為交涉。於是中俄互市之問題以起。逮五十八年。俄帝彼得第一遣使臣義斯麻伊兒及蘭給來請改訂商約。當呈遞國書時。政府惟與俄使鑿鑿爭覲。見禮節強使之行。九叩首禮謂外使至華。當從華俗。而於其所請則置之不答。俄使亦屈從之。既察知中國無議約意。義斯麻伊兒遂徒手返國。留蘭給居京師。以徐商改約事。然久之仍不得達其目的。及雍正三年。彼得崩。女帝加他第一立。以是歲遣使拉克斯奇來申前請。且欲會議喀爾喀與西伯利亞之疆界。帝許之。至是聞其使薩瓦將蒞楚庫拜姓地方。特命隆科多前往會同喀爾喀郡王額駙策凌貝勒博貝散秩大臣伯四格設軍統領喀爾吉善辦理阿爾泰界務事竣。即赴楚庫拜姓會同俄使議定邊界。

五年夏六月。命吏部侍郎圖理琛會同郡王額駙策凌內大臣伯四格等往定喀爾喀與俄羅斯邊界。時隆科多以私抄玉牒事。拏問回京。特改派圖理琛往代。秋八月。議約使策凌等與俄羅斯公使薩瓦會議於後貝加爾洲地方。各遣員審定邊界。約成共十一條。所謂恰克圖條約者也。亦稱布拉條約。其要者如下。(一)兩國邊界當互查彼此逃人。捕送本國。但逃亡在和約締結以前者勿論。(二)以恰克圖為兩國通商之地。自額爾古納河岸至齊克泰奇蘭。以楚庫河為界。

自此以西以博木沙畢嶺為界。各立界標誌之。(三)以烏特河地方為兩國中立地。彼此不得侵佔。(四)俄國商人得三年一至北京貿易。但人數以二百名為限。留京不得過八十日。往來當由官定之路徑。不得迂道他往。違者沒收貨物。(五)京師俄羅斯館聽嗣後俄人來京者居住。俄公使欲於京師建會堂。中國當予以補助。聽俄國教徒居住。教徒得依本國例規。於堂內請經禮拜。(六)遞送公文者。來往當由恰克圖。(七)兩國邊界各置頭目。秉公辦理一切。此條約得兩國政府批准後。兩國文書往復。均不以皇帝之名。中國以理藩院。俄國以薩那特衙門。彼此貿易及外交之端緒。遂日漸繁密矣。

六年秋八月。革吏部侍郎圖理琛職。因追議前定界時。與俄使鳴。嚴謝天並立木牌於定界邊所。旋焚之。又擅納俄國貿易人入界。遂速治。

七年春三月。以革職倉場侍郎托時。賞加侍郎銜。出使俄羅斯。時議討準噶爾。恐俄人干涉之。特遣托時往聘。請其嚴守中立。

八年春二月。復遣侍郎托時。往使俄羅斯。時以俄女帝安那宜萬新立。往賀即位也。

九年夏四月。復遣侍郎托時。出使俄羅斯。時方用兵準噶爾。而伊犁密邇俄疆。恐其為準部後援。故藉外交政策以歛之。

高宗乾隆五十七年春正月。庫倫辦事大臣松筠。普福會同喀爾喀貝子。遜都布多爾濟。與俄羅斯公使色勒裴特。增訂恰克圖互市約五條。自雍正五年與俄訂恰克圖條約成立後。內地商民往恰克圖及庫倫貿易者日衆。其出口貨。以烟草茶葉。緞布為大宗。至乾隆二年。以監督俄羅斯

館御史赫慶之請停止俄人於北京之貿易。今統歸恰克圖。命土謝圖親王、台吉等量治其事。二十七年。特設庫倫辦事大臣二人。理邊務。一由在京滿蒙大臣內簡放。一由外蒙札薩克內特派。先是恰克圖貿易。兩國均不榷稅。於是恰克圖地方百貨雲集。市肆喧闐。漠北荒涼之區。一變而為繁富之域。未幾俄人漸渝禁約。私收貨稅。兩國邊民。又時有偷竊馬匹之事。其數不可稽。俄人移文責償。必浮報其數。帝厭之。乃於二十九年。閉恰克圖。不與通市。而辦事大臣等輒來開辦。私與交易。朝廷震怒。於三十年。削土謝圖郡王。桑齊多濟爾。誅大臣。且違厲行閉關之策。及三十三年。庫倫大臣慶桂。以俄羅斯悔罪。請開市。入告。遂貿易如初。後四十四年。俄邊吏庇護罪犯。不予會審。大臣索林奏請查辦。復閉關。逾年。事始解。而五十年。又以俄屬布哩雅特種人烏呼勒咱等。入邊行劫。奉旨絕市。至是。松筠等以俄羅斯恭順乞恩。入請。乃復與增訂市約五條。在恰克圖市圈（買賣城）互換。（一）恰克圖互市。於中國初無利益。大皇帝普愛眾生。不忍兩國小民困苦。又因爾薩那特衙門籲請。是以允行。若復失和。罔再布奠開市。（二）中國與爾國貨物。原係兩國商人自行定價。爾國商人。應由爾國嚴加管束。彼此貨物交易。後各令不爽約期。即時歸結。勿令負欠。致啟爭端。（三）今爾國守邊官。皆恭順知禮。我游牧官。羣相稱好。爾從前守邊官。皆能如此。又何致兩次妄行失和。以致絕市乎。嗣後爾守邊官。當慎選賢能。與我游牧官。遞順相接。（四）恰克圖以西。十數卡倫。爾之布哩雅特。哈哩雅特。不法。故致有烏呼勒咱之事。今爾國當嚴加禁束。杜其盜竊。（五）此次通市。一切仍照舊章。已頒行爾薩那特衙門矣。兩邊民人交涉事件。如盜賊人命。各就近查驗。緝獲罪犯。會同邊界官員審訊。明確後。本處屬下人。由本處治。

罪爾處屬下之由爾處治罪各行文知照示眾其盜竊之物或一倍或幾倍得賠一切皆照舊例辦理。夏四月復開恰克圖市時俄人以閉關七年之故損失不少急欲回復市利故此次交涉極臻平和而大臣松筠等則以俄羅斯人感激皇仁倍申誠敬等語列款具奏帝亦以前次西藏與廓爾哈因貿易上事件啟釁構兵數載特訓諭筠等引此為戒約束商民嚴禁欺詐免啟爭端入飭理藩院改良外交文書務主公誠信義自是兩國商民互市不絕焉

清史紀事本末卷二十八

乾隆極盛

高宗乾隆元年春正月詔撤西北兩路兵。停京師及各省捐納事例。夏四月命保舉賢良方正。六月遣四川巡撫王士俊下獄初世宗朝政令繁苛專事刻覈中外為之騷然帝即位欲拯其弊而矯枉過正因寬成玩諸事遂日形廢弛士俊密摺痛陳其害略謂近日條陳惟在翻駁前案甚則對眾揚言有止須將先帝時事翻案即係好條陳之說傳之天下甚駭聽聞帝覽疏震怒命逮士俊來京交法司嚴審嗣定為斬監候然自是用法日趨於繁密疊興大獄其為閭閻之擾累反視雍正中有過之無不及矣

二年夏四月以旱命刑部察獄出傅爾丹陳泰岳鍾琪於獄五月准新進士條奏地方利弊秋七月永定河決閏九月濟直隸決水縣拒馬河

三年春三月以旱命刑部察獄夏四月以旱求言五月定各省水旱災五分即蠲免例秋七月江南蝗災冬十一月寧夏地震水湧新渠寶豐縣治沈沒

四年春三月大學士傅曾筠卒曾筠治水用引河殺險之法前後於河工塘工咸能底績至是卒命與前河臣靳輔齊蘇勒一體祠祀予諡文敏夏四月以旱中命求言清獄飭直隸江南捕蝗冬十二月國禁理親王弘皙於景山東萊園因宗人府福寧首告弘皙聽安泰邪術大逆不道也安泰亦生絞

五年春二月命直隸山東山西湖南廣東等省招商採煤夏五月以旱命清獄秋七月禁私

傳旗地。冬十一月重輯律例及一統志成。

六年春三月賜提督鄂善自盡。因御史仲永壇疏劾其受賄。親訊得實也。擢永壇為僉都。秋七月命北省勸民私開溝洫。殺山西學政喀爾欽以賄賂生童縱僕營私違禁漁色等罪伏法。

冬十一月尚書徐元夢卒。予諡文定。元夢初以不附明珠幾為構死。十二月大學士張廷玉請解部務不許。先是都御史劉統勳疏言外間輿論動云桐城張姚兩姓占却半部指紳請加裁抑。又尚書公訥親兼差太多宜量予減省。帝以疏示廷臣。廷玉因奏辭兼部。帝不允。後二人晚節不終一如統勳言。

七年春正月彗星見。二月定選拔為十二年一次例。因以前六年一舉為期太近也。三月命舉直臣以備臺諫之選。夏四月停文武鄉會互試例。

八年春二月命保舉堪任河工人員。夏四月纂修醫宗金鑑成。六月以旱申命求言。冬十一月彗星見。今新選州縣官驗看時摘問律例數條令其條對與履歷並呈者為例。十二月飭直省掃除蝥孽。

九年春正月命大學士訥親查閱河南山東江南營伍並勘驗河工海塘。夏四月以旱命察獄。五月命大學士劉於義往保定會同高斌籌畫直隸水利事。冬十二月命各省錢穀刑名年

終業冊報部。

十年春正月命會試改期三月永為例。夏四月申諭各省釐正文體。以旱命察獄。允開貴州大定府畢節縣屬赤水河從督臣張廣泗請也。由遵義府直達四川重慶府往來稱便。五月

停江南河工捐例。秋九月。禁用非法刑具。冬十月。命四川嚴查國匪。十二月。允開雲南金沙江上游之蜈蚣嶺等湖。從督臣張允隨請也。

十一年。春三月。丁卯朔。日食。命密保堪勝尚侍督撫人員。四川曉對土酋班滾作亂。遣內大臣班第努三等。前赴軍營。閏月。律呂正義後編及重修明通鑑綱目書成。夏六月。江南雨雪。慶復奏會同班第等。攻燬曉對之了魯泥日寨。班滾及寨目姜錯太等俱燒斃。報聞。冬十二月。命十年一修玉牒。

十二年。春正月。命慶復查閱甘肅營伍。尋召入為武英殿大學士。三月。命保選堪勝道府人員。夏五月。定督撫養廉銀兩。秋七月。乙丑朔。日食。東南濱海暴風海嘯。

十三年。夏五月。禁福建商民入天主教。秋七月。殺浙江巡撫常安。因督臣喀爾吉勒具劾。奏論絞。閏月。殺湖廣總督塞楞額。知府金文醇。革江南總河周學健。湖廣巡撫彭樹葵。楊錫紱。職罰修直隸城工。皆坐皇后喪中剃頭也。刑部尚書盛安。因議文醇罪案。從輕論死。秋九月。諭國朝寶璽。朕依次排定。其數二十有五。印文向兼滿漢內。青玉。係清字篆文。乃太宗時所貽。自是以上四寶。均世代相承。傳為世寶。不宜輕易。其檀香以下二十一寶。從新定清字篆體。改鐫。冬十一月。諭各處本章。概改用題本。

十四年。秋八月。定歲科考生童。默寫經書例。從山西學政德保請也。

十五年。夏五月。癸丑。月食。命臣工直陳闕失。

十六年。夏五月。丁酉朔。日食。停止知縣三年行取例。冬十二月。禁苗人充補額兵。

十八年秋八月銅山縣隄決殺貽誤工程之同知李煒守備張霖

二十年春二月乙巳朔日食夏六月南方雷雨天氣寒如冬秋七月蟻生棉穀不實冬十

二月地震

二十一年秋七月定革職人員概准捐復例

二十二年春正月改會試二場表文為五言八韻唐律一首夏四月戊戌內監于榮煥於黑龍江

因倚勢在街市中戲侮巡檢張若瀛若瀛按法懲治事聞命造成秋九月賜雲貴總督恒文自

盡坐令屬員買金短絀金價及縱容家丁勒索門包也冬十一月殺山西布政使蔣洲坐虧帑

也十二月命保舉堪管專閩人員准呂宋船於廈門貿易

二十三年夏四月諭鄉會試第一場四書文後增性理論一造從言官吳龍見請也冬十二月

癸丑朔日食(至八分之多)丁卯望月食

二十四年春三月彗星見南方月餘乃滅夏四月以旱命清獄准臣工言利興

二十五年夏五月甲辰朔日食

二十六年春正月紫光閣落成賜大學士公傅恒以下功臣五十人畫像夏五月弛貴州民苗

結婚禁秋七月命減緩三次以上人犯罪

二十七年秋八月諭督撫同省不得交布政使攝篆著為例九月庚申朔日食

二十八年秋七月松江府境暴風三日夜不息不晝假諸縣田顆粒無收府署白日被劫巡撫洪

之傑諱災不告反取句容縣青苗一束繪嘉禾圖上獻實書嘉獎宣示中外九月乙卯朔日食

三十年春三月甘肅地震。秋七月甘肅地再震。九月命各省書院山長六年後者有成效者
童子試叙改山長稱為院牧。冬十月定舉大挑例除新科外直扣一科其見任教職者不得與
挑。

三十一年冬十月命開拔發遣人犯起獄即行正法。冬十二月會典成。

三十二年夏四月命各省大計希宋兩司由督撫出考。

三十三年春正月御批歷代通鑑輯覽成。秋九月民間有人偷剪髮髻始於江浙蔓延直隸山
東等省帝以各督撫緝捕不力高旨明德彰實馮鈴熊學鵬永德等俱交部嚴議。冬十二月臺
灣民黃教作亂革職。張廷職。

三十四年夏四月臺民黃教就擒前總兵王魏以措置乖方伏去。五月壬午朔日食。秋七月
彗星見。東南大風災臨海居民死者數萬。冬十月彗星復見。

三十五年春二月殺貴州巡撫良卿以散法婪贓故也。夏五月以旱命清獄。閏八月命侍郎喪
日修赴刺州寶坻一帶捕蠶等以督捕不力革職。

三十六年夏四月以旱命清獄。大學士尹繼善卒。予諡文端。繼善四督兩江前後三十餘年頗
以汲引人才為務。

三十九年春正月命定聚眾結盟罪。夏四月以旱命清獄。秋七月殺內監高震從以交通關
臣于敏中也敏中交部嚴議。八月壬午朔日食。江南老嫗口河溢。九月江南地震。山東
兗州民王倫作亂討平之。冬十月諭秋審情實人犯經十次未勾改入緩決著為令。命各省

行保甲法

四十年夏五月以旱命禮部祈雨。秋八月丙子朔日食。冬十二月甲辰朔日食。

四十一年春二月命勘大寧夏廠地聽民墾種。夏四月湖北沔陽州隄潰。

四十三年夏四月京師河南旱。閏六月河南祥符縣河溢。秋九月殺錦縣生員金從善帝自

盛京回鑾從善於道旁呈遞條陳四事首請建儲帝惡之命棄於市。

四十四年夏六月直隸漳河溢河沙河同時漫口。秋七月寧壽宮成。

四十五年春二月諭令兩金川番眾薙髮。夏五月正陽門城樓災。六月江南睢陽縣郭家渡

隄決。秋七月永定河東蔡家莊東省汴河張家油房等處河決。冬十二月命陳輝祖會同大

學士公阿桂往海塘籌畫塘工事。

四十六年春三月甘肅回人蘇四十三等作亂戕知府楊士璣副將新柱進據河州命阿桂由河

南馳往勦辦回人因爭立新執殺傷舊教回人總督勒爾爾錦徽士璣等前往查辦行至河州白莊

子遇回眾千餘圍之是夜士璣等被害。夏四月西寧鎮總兵貢楚達爾等收復河州蘇四十三

等竄踞蘭州城外山梁。閏五月熱河志成。六月祁州黃河南岸魏家莊漫口。領侍衛內大

臣海蘭察等攻破回巢斬蘇四十三等於陣餘眾退據華林寺。六月海蘭察等攻破華林寺回

眾悉殲。萬錦灘隄潰。秋七月陝甘總督勒爾爾錦巡撫王鳳奎王廷贊等以提災賑賑侵蝕監

捐伏法停止陝甘新糧捐暨例。八月四川國匪搶劫梁山墊江等縣捕斬胡範年等五十一人

總督文綏以辦理不力革職遣戍伊犁調福康安為四川總督。九月江蘇沛縣河溢。冬十月

定滿洲駐防兵年老退休回京就養例。

四十七年春正月。命江蘇查禁馬槍。四庫全書告成。命續繕三分。分度揚州文瀾閣。鎮江文宗閣。杭州文瀾閣。夏四月。改譯進金元三史告成。秋八月。己卯望月食。冬十月。賜浙閩總督陳輝祖自盡。以查抄王璽家產。抽換玉器字畫故也。藩司國棟等。均以扶同徇隱。議斬監候。四十八年。夏六月。體仁閣災。秋七月。命各省大批分發舉人。以知縣佐貳分別補用。冬十月。命黃河沿隄植柳。申禁近隄取土。命編古今儲貳金鑑。命編貳臣傳。逆臣傳。以明降臣劉良臣等百二十餘人為貳臣。吳三桂等二十餘人為逆臣。

四十九年。夏四月。准各省試用人員補期尚遠者。呈明回籍。俟到班時。仍回原省補用。諭綠營告休人員。曾臨陣受傷者。准食全俸。著為令。甘肅新教回人田五等。以謀興新教。聚眾滋事。命李侍堯剛塔勒之。五月。李侍堯奏賊首田五擒斃。餘眾竄馬家堡。帝責其辦理未臻妥協。命革職。令大學士阿桂。尚書福康安。領侍衛內大臣海蘭察等。馳往勦辦。秋七月。甲寅朔。日食。賜江西巡撫郝碩自盡。因勒派屬員餽送銀兩也。河源紀略成。送回張文慶馬四娃。李可魁等。就擒伏誅。回亂肅清。阿桂等敘賞有差。八月。辟雍成。河南睢州河溢。冬十一月。命各省服官人員。距原籍五百里者。迴避。逮李侍堯。剛塔治罪。尋命侍堯斬監候。剛塔戍伊犁。

五十年春正月。以五十年國慶。頒詔天下覃恩有差。賜千宴宴。自王大臣至蒙古貝勒貝子。公台吉額駙。回部番部。朝鮮國使臣。暨士商兵民。年六十以上者。凡三千人。二月。詣文廟釋奠。臨辟雍講學。夏四月。甘肅地震。六月。湖南巡撫陸耀卒。耀事母孝。居官有清德。撫湖南一年。

而卒。所著有甘肅錄。至今備荒者寶之。冬十二月。續修一統志。及遼金元三史國語解成。

五十一年。春正月。丙午朔。日食。三月。諭原任大學士徐本高。斌將軍伊勒圖。總督方觀承。薩載。俱著入祀賢良祠。秋七月。伊犁地震。山安清江。淮關一帶河決。兩廣總督富勒渾。以縱容家丁舞弊革職治罪。母擬斬候。冬十二月。命整飭苗地邊防。

五十二年。夏五月。湖南鳳凰廳屬句補寨苗人石滿宜等滋事。總兵伊德禧討平之。定滿洲蒙古諸緝鄉會試。五年舉行一次例。六月。東睢州下汛十三堡河溢。秋八月。江南周家溝等處河溢。冬十一月。諭嗣後葉爾羌和闐每年春季停止採玉。秋季仍令採運。著為令。十二月。停鄉會試。分經中式例。每科以一經命題。將五經輪流分試。

五十三年。夏四月。以旱。命減徒以下罪。五月。壬戌朔。日食。諭川省向有棍徒糾夥搶劫。名為咽喉。歷經降旨嚴拏。究辦。該省奏摺。奉寫咽喉匪字樣。但咽喉字聲音與國字相近。嗣後遇有此等案件。俱著改為咽喉匪犯。秋七月。荆江隄決。府城被水衝淹。九月。禁各省私立班館。私置刑具。五十四年。夏六月。禁州縣濫用非刑。冬十月。癸丑朔。月食。命舉行順天舉人覆試。

五十五年。春正月。以八旬萬壽。頒詔天下。夏六月。王平莊壩決。二百八十餘丈。永城宿州靈壁等處田廬被淹。

五十六年。春三月。命詣直隸永定河支河。及山東馬頰河。六月。申諭各省呈控重案。著督撫親提審辦。著為令。

五十七年。夏四月。以旱。命減徒以下罪。五月。諭各省呈控重案。督撫親提審辦。著為令。冬十

二月頒御製十全記於西藏布達拉山聖祖平藏碑旁。登臨帝以臨御以來兩定金川兩定伊犁一定回部一入緬甸一定臺灣一復安南兩勝廓爾喀自謂有十全武功製十全記登碑建亭以志武成十告曰稱十全老人。

五十八年春二月東南濱海各省河水生蟲色赤狀如蜈蚣長三四寸昏暮始見。秋七月以旱命減徒以下罪。冬十一月以久無雪命將緩決三次人犯分別減等。十二月有聲如雷光如電自箕分至輿鬼而滅蓋即天狗云。

五十九年夏五月直隸山東旱。臺灣民周全作亂尋捕平之。六月申禁小錢有砂板鵝眼等名目一律嚴禁。秋七月永定河溢。命減徒以下罪。東南濱海大風海嘯。冬十月停止鄉試覆試。

六十年春正月甲申朔日食。戊戌望月食。夏六月以旱命減徒以下罪。命閩浙兩省會緝洋盜。秋九月諭立皇十五子嘉親王顯琰為皇太子以明年為嗣皇帝嘉慶元年。冬十二月遣官祭告天地社稷宗廟奉先殿以來歲丙辰元日傳位太子故也。

清史紀事本末卷二十九

增加兵額

高宗乾隆三年。增設八旗養育兵額。初八旗兵額數二十五萬。入關既久。餘丁繁多。其不得充伍之閒散滿人。至有窘迫不能養其妻孥者。世宗愍然憂之。亟欲為謀生計。無長策。欲增編佐領。則正餉不敷。因議設八旗養育兵。給予錢糧。俾得養贍。於雍正二年。選旗下滿洲蒙古漢軍共四千八百人。為教養兵。滿蒙每人月給三兩錢糧。每年共需銀十七萬二千八百兩。每旗滿洲蒙古漢軍共六百名。內滿洲每旗四百六十名。蒙古六十名。漢軍八十名。其漢軍之八十名。今為步兵。食二兩錢糧。就此錢糧數內通融料理。可多得四十名。漢軍每旗選育二十名。此所設教養兵。皆於交領下計數選取。至是復定滿洲蒙古各旗原設養育兵。每二名出缺。作為三名。照漢軍例。各給銀二兩。滿洲蒙古旗。每佐領下。增足養育兵十名。漢軍旗。每佐領下。增足六名。

四年。設荆州駐防養育兵四十名。

六年。增設虎口至綏遠城兵額。

七年。增設荆州駐防養育兵四百名。

十年。設江寧駐防養育兵四百名。

十八年。復定養育兵。每三名出缺。作為四名。再恩賞一名。各改給銀一兩五錢。時於原養育兵一萬五千一百二十四名外。勻出缺五千四十四。再恩賞缺五千四十四。共二萬五千二百十二名。食銀四十五萬三千八百十六兩。

二十九年設綏遠城駐防養育兵四百名。復定滿洲蒙古之養育兵一萬三百十五名。每年增食米一萬六千一百石有奇。

三十一年增設伊犁駐防養育兵二百四十六名。

三十二年增設成都駐防養育兵一百四十四名。

三十八年增設烏魯木齊駐防養育兵二百八十名。

三十九年增設杭州駐防養育兵一百二十八名。

四十四年增設土魯番駐防養育兵四十八名。

四十七年增添綠營兵額先是各直省七十一鎮之中綠營兵數雖名為六十四萬而其實缺額常六七萬至乾隆四十六年增兵之議案決武職坐糧馬乾另行添設養廉公費實卹另行開銷正項所有空名悉令挑補實額直隸省增實兵四千七百七十名山東省增實兵一千五百八十一名山西省增實兵二千五百九十五名河南省增實兵九百七十九名江南省增實兵五十一名江西省增實兵一千五百八十七名福建省增實兵四千七百五十六名浙江省增實兵三千三十九名湖北省增實兵二千三百八十名湖南省增實兵二千五百八十八名四川省增實兵四千二百七十四名陝西甘肅二省增實兵一萬二千七百三十名廣東省增實兵五千七百七十四名廣西省增實兵二千三百三十四名雲南省增實兵五千四百六十名貴州省增實兵五千二百八十四名於是舉康雍以來綠營兵額之不足者悉數挑補一舉而添兵六萬有奇然歲添新餉幾三百萬焉（綠營舊制馬兵月餉二兩步兵一兩五錢守兵一兩）

仁宗嘉慶四年。命各省督撫提鎮。召募新兵。補實軍額。自由教軍興以來。徵調各省營兵。開赴前敵。其在軍中死喪逃亡者甚眾。帝恐將來事定歸伍時。不敷各省原定兵數。因諭令各省督撫提鎮。召募新兵。除河南陝西四川雲南募兵較多。所缺無幾。毋庸議外。其餘各省。著照派出征兵現缺之數酌量召募。直隸山東應先補十分之五。山西甘肅廣東應先補十分之四。江西廣西應先補十分之三。貴州應先補十分之七。

九年。借給寧陝及陝安等處新兵地價銀兩。白蓮教會之役。以滿漢額兵徵發不使之故。臨時廣募鄉勇。以佐戰守。謂之新兵。復增置郡縣營汛。即以新兵挑補。各地增設之兵額。湖北襄陽提督一。鄧陽總兵道員各一。計增兵三十五。陝西置五郎總兵一。改稱寧陝鎮。餘如陝安鎮。禁漢中協營。併陽平閬寧羌略陽等處增兵共八十六。一百一十七。四川置綏定府（以達州升）副將一。餘如保定。秦州所屬要害地。各設守備。共增兵十。就中寧陝及陝安等處新兵。因地險糧貴。皆須一律置買地畝。自行開墾。俾裕生計。而勤訓練。每名借與地價銀十兩。共八萬六千一百七十兩。於是并地丁項下借支。在於節省馬乾項下分年扣還。至十五年冬。季全數歸還。

十年。增設滿洲蒙古八旗養育兵二千二百五十名。帝以八旗生齒日繁。生計不免拮据。諭令將五營馬兵。以若干缺。歸入滿洲蒙古八旗閒散人等分別挑充。令都統以下各官悉心妥議。繼思旗籍子弟。與綠營兵士一體當差。未免有玷身分。著將左馬撥出二千匹。交與張家口牧放。計每月可省馬乾銀五十兩。於八旗滿洲蒙古閒散內。每旗滿洲額增養育兵二百名。蒙古額增養育兵五十名。八旗共增養育兵二千名。又因每月節省馬乾銀五十兩。按照每兵每月給餉銀一兩五

錢共可得三千三百三十分。合較八旗滿洲蒙古佐領數目。於滿洲八旗每佐領下。增設養育兵四名。共二十七百十八名。蒙古八旗每佐領下。增設養育兵三名。共六百十二名。

十一年。增設京師八旗滿洲蒙古及各營養育兵四百三十三百九十六名。先是諭以八旗戶口加增。自應再籌辦理。著閣臣部臣都統等妥議。及後奏稱。統俟河工辦竣時。籌出可備生息支用閒款銀內。再行奏明辦理。而帝以旗人生齒日繁。當急思鞠謀保聚之道。著於廣儲司撥銀十萬兩。造辦處撥銀十萬兩。戶部籌撥銀五十萬兩。共七十萬兩。交商生息。增添養育兵。八旗每佐領下四名。其半分佐領下二名。蒙古每佐領下三名。圖明圓護軍營內外火器營各三百名。健銳營一百五十名。八旗滿洲蒙古及各營。共增設養育兵四十七十二名。又內務府三旗每佐領下。增設養育兵四名。圖明圓內府三旗六十名。共增包衣三旗養育兵三百二十四名。

二十年。令青州駐防八旗開散壯丁內。挑選餘兵二百四十名。青州駐防滿營額設馬甲一千四百六十名。步甲三百二十名。到防既久。生齒日繁。奏請調劑。帝令將該營所存馬價銀六十兩。再於司庫扣存市平內。酌提銀二萬四千兩。共成三萬兩。交商生息。隨餉撥解交該副都統。在於駐防八旗開散壯丁內。擇其材堪造就者。二百四十名。作為餘兵。與甲兵一體操練。每名月支給銀一兩。以資養贍。

宣宗道光元年。添挑太原城守尉駐防養育兵四十名。

清史紀事本末卷三十

苗族及金川之征勦

高宗乾隆元年春三月。經略張廣泗。分兵八路。合攻牛皮苗寨。破之。苗平苗族種名不一。在四川者曰焚。曰生番。在兩廣者曰僮。曰黎。在湖南貴州者曰徭。在雲南者曰俚。曰野人。其語言風俗。既與中國絕異。故中國自元明以來。設有宣慰。宣撫。招討。安撫。長官等土司。又有土府。土州。縣。其長皆得世襲。握自治權。蓋欲仍其舊俗。官其酋長。以羈縻之也。順康以來。葉明舊制。分設土官。然苗民不知耕作。專以劫殺為生。土官又以積威苛斂虐使。恣為不法。故苗族常為邊患。而於雲貴為尤甚。自雍正四年。鄂爾泰巡撫雲南。建議改土歸流。因極言從前以夷治夷之失計。然欲改土為流。非大用兵不可。宜悉令獻土納貢。違者勦。世宗覽疏大喜曰。卿朕奇臣也。此天以卿賜朕也。命進呈生年月日。召赴養心殿。手鑄三省總督印付之。鄂爾泰抵任。用游擊哈元生。委任以烏蒙鎮雄之事。用總兵石禮哈。搜討貴州廣順之長寨。招服黔邊東西南三面生苗二千餘寨。用知府張廣泗。招撫古州。關苗疆二三十里。前後勦黜雲南雷益土州安氏。鎮沅土府刁氏。及赫樂長官司威。遠州廣南府各土目。悉定濶滄江以東地。以普洱為府。廣西諸土官。自泗城之岑氏以下。亦先後繳勒印。納軍器二萬餘。用兵五六年。三省邊防粗定。世宗奇其功。至批劄云。朕實感謝矣。不知如何待卿而後心安。於是鄂爾泰以積勦封襄勤伯。授武英殿大學士。入朝。廣泗亦由雲南巡撫移督湖廣。繼之者皆易視苗事。疆吏又以徵糧激變。至十三年春。谷寨議起。聚集清江台拱間。陷黃平。以東諸城。積忿於鄂爾泰督軍時。所獲苗皆剝腸截脰。分挂崖樹。幾滿。至是抵抗之志益

堅。至于月婁女而後出戰。鎮沅苗至。博知府劉宏度於柱裸淫其女而頭曳之。郭爾泰雖慙怒。次
骨引咎自劾。而苗患蔓延。不復可制矣。時詔發滇蜀楚粵四省兵會剿。而軍中各懷意見。將軍哈
元生主動。提督董芳主撫。撫苗大臣張熙。又密奏改流非策。且致書諸將。倡棄地之議。因命令不
能一致。治軍數月。迄無成功。時帝已嗣位。盡罷張熙。哈元生董芳治罪。而以廣西任七省經略。先
後攻克台拱之九股苗。及清江下流各寨。至是復增兵分八路圍其遁逃於丹江古州郡勾台拱
間之大森林。所謂牛皮大菁也。凡燒十二百二十四寨。放三百八十八寨。貴州苗族悉平。越十年
而有四川大金川之役。

十二年春三月。命雲貴總督張廣泗改督川陝。駐四川。相機進剿大金川苗部。金川為四川西邊
諸土司之一。為漢丹朥地。隋置縣。唐屬雅州。明隸雜谷安撫司。本吐蕃領地。俗信喇嘛教。明時封
其部哈伊拉木為演化禪師。世有大小金川流域地。後分兩部。居小金川者曰措拉。譯言小河
濱。居大金川者曰促漫。譯言大河濱。順治七年。授小金川苗卜兒吉細土司職。康熙五年
授大金川苗嘉勒巴演化禪師印。雍正元年。以嘉勒巴孫莎羅奔於康熙五十九年。從征西藏。年
固有功。授為金川安撫使。乾隆十一年。莎羅奔勢強盛。謀兼併諸鄰部。以結締政策。竊廢小金川
酋澤旺而尊其印。以與澤旺弟土舍良爾吉。復以兵力侵略革布什咱。及明正土司。並擊傷中國
之赴援軍。至是以廣西前征苗有功。命移節川中。專任大金川軍事。廣西至進屯小金川之美諾
信用漢奸王秋言。良爾吉為鄉導。然大金川地險。又長於防禦工事。以石築高臺。名曰戰碉。大小
林立。圍攻數月。諸將多失事。副將張興游擊孟臣皆為降番所誘殺。

十三年。夏四月。以大學士訥親為經略。起故將軍岳鍾琪為提督。馳赴大金川。軍營訥親至。軍用以碉逼碉。為唯一之兵略。而得一碉。輒傷人無算。總兵任舉。副將賈國良。皆戰歿。廣西所用之鴉導良爾吉。前奪其兄澤旺印。又悉其搜阿扣。威莎羅奔。其故在軍中。每以動靜通報。莎羅奔以故。攻戰復數月。仍無尺寸功。冬十二月。以大學士傅恒為經略。賜訥親死。殺張廣泗。傅恒至。任總兵治大雄為總統。使副將馬良玉。誘誅良爾吉。並斬阿扣。王秋開謀以絕。撤諸方圍。碉兵為直搗中堅之計。壁壘至是為之一折。

十四年。夏四月。大金川土司莎羅奔降。詔班師。先是傅恒上疏。陳進銳深入之計畫。期以四月奏捷。時帝念勞兵久。又以其地險。欲罷兵。詔傅恒還朝。而傅恒已與鍾琪分軍深入。總兵哈攀龍。哈尚德等。連克巴郎平碉。及色爾力石碉。傅恒奉詔。令鍾琪前往。敵營踰降。西藏之役。莎羅奔從征。隸鍾琪麾下。素服其威德。至是鍾琪單騎入。噶喇依營中。目莎羅奔。而故緩其轡曰。汝等猶識我不。眾驚曰。果我岳公也。皆伏地請罪。導入帳中。留宿。鍾琪解衣安寢如常。次日莎羅奔帥眾詣軍門降。大金川平。

三十六年。冬十月。罷四川總督阿爾泰。以尚書溫福侍郎桂林代之。進勦小金川。初。乾隆三十一年。以大金川莎羅奔兄子郎卡。繼大金川事。漸桀驁。時與鄰部構釁。總督命令。致無效。帝令阿爾泰撥九土司（松岡。梭磨。卓克基。沃日。革布什咱。綿斯甲布。小金川。黨壩。巴旺）環攻之。土司中兵力既多。不敵。阿爾泰又不知利用。小金川以制郎卡。郎卡遂反。與小金川綿斯甲布和親。愈揭。攝郎卡死。其子索諾木。又陰與小金川澤旺子僧格桑。結攻守同盟之約。遂合改革布什咱。及沃日。

諸土司帝命罷阿爾泰尋賜死以溫福為大學士桂林為總督令率兵分路進討

三十七年夏五月檄桂林職以阿桂為四川總督桂林與溫福分軍由打箭爐汶川進漸逼小金川境而桂林將薛琮以深入無援致全軍陷洩泗水歸者僅二百餘人桂林以隱匿不奏勅罷命阿桂代之冬十二月阿桂攻取小金川以溫福為定邊將軍阿桂為副將軍阿桂既代為川轉戰有功至是直抵美諾僧格桑竄大金川阿桂檄索諾木不應帝欲一舉並滅之故有是命三十八年夏六月小金川降擒攻陷木果木溫福死之授阿桂為定西將軍以參贊豐伸額為左副將軍明亮為右副將軍先是溫福等分道進發既而溫福以敵扼險不得進駐軍大金川東境木果木以阻於易勝不復調集各路兵馬惟令提督董天弼分屯其東以守小金川地而日與諸將置酒高宴額駙色騰布護軍統領伍岱提督馬銓先後入諫反勸其煽惑軍心帝為召還色騰布而遣戍伍岱遣綠營兵三千人取碉卡有傷者反責之人心並懈超勇公海蘭察至扣刀以請之遷延月餘敵偵知兵弱整勁旅數千東攻天弼軍不戰自潰進襲溫福溫福方雅服督戰遂被執尋殺之所部戰死者三千餘潰者萬餘小金川復陷冬十月阿桂等克復小金川阿桂既受命改道出沃日攻小金川東境而明亮攻其南至是阿桂直抵美諾明亮亦所向有功小金川地盡復

四十年秋八月阿桂豐伸額明亮攻破大金川之勒烏圖進圍噶爾崖（括耳崖）自三十八年十二月阿桂等軍分三道進攻大金川阿桂自小金川攻其東豐伸額明亮自黨壩攻其西北富德自革布什咱攻其西南三十九年七月阿桂軍逼勒烏圖時索諾木與其從祖莎羅奔守其地

見阿桂軍深入。賊殺僧格桑獻其屍及其家族。請停止攻擊。阿桂不許。至是年八月。破勒烏圍。莎羅奔索諾木已先期竄噶爾崖。至是三路軍會於噶爾崖城下。包圍之。

四十一年春二月。阿桂等攻克噶爾崖。莎羅奔索諾木帥眾降金川。全境蕩平。阿桂等圍攻噶爾崖四十餘日。索諾木始與莎羅奔罕家族以下二十餘人出降。並俘獻京師大金川再定兩金川既平。詔以小金川地為美諾廳（後改名懋功）以大金川地為阿爾古廳（即今綏靖屯）直隸四川。

編者曰。自乾隆三十六年。再用兵兩金川。以迄於平定。得地不過千里。人不滿三萬眾。而恭師五年。糜帑七十萬兩。其行軍困難之理由。固其地理之險阻。與其土兵之同心効死要亦可想。見當日國家之兵備為不可恃。將略為不足稱。已。願時主備躬親。設險勒碑。太覺復來。巡告成於闕里。鋪張為甚。盛事也。抑又何哉。

清史紀事本末卷三十一

準部及回部之平定

高宗乾隆二十年春二月。以尚書班第為定北將軍。阿睦爾撒納為定邊左將軍。出北路。陝督水常為定西將軍。薩拉爾為定邊右將軍。出西路。往征準噶爾。自乾隆四年。準部和議既就。邊事稍甯。至十四年。噶爾丹策零死。其部內亂。其宰桑（譯言管事官）薩拉爾、杜爾伯特台吉三車梭先後來降。而輝特台吉阿睦爾撒納亦於十九年帥眾內附。且乞師。帝久知其為準部所服。從利用之。為嚮導。欲來機大舉。廷臣鑒於雍正九年和通泊之敗。不願再開。惟大學士傅恆贊成。帝意。帝喜曰。卿朕之張華。裴度也。既而準部大將瑪木特亦來歸。遂以是月分兩路出師。北路出烏里雅蘇臺。西路出巴里坤。盡簡八旗吉林索倫精銳以從。夏五月。兩路兵抵伊犁。擒準噶爾汗達瓦齊。及青海酋長羅卜藏丹津。伊犁平。自兩路兵出發。兩定邊將軍。本準部渠帥。建其舊寨。先進。故所至降者相繼。兩軍遂於是月朔會於博羅塔拉河。越五日而至伊犁。達瓦齊已走。保格登山。阻渚為營。眾尚萬餘。侍衛阿玉錫夜以輕騎直薄其營。敵眾驚潰。走投回疆。阿克蘇伯克霍斯。已得班第軍中檄。即執之以獻。並獲前青海逃至之羅卜藏丹津。送京師。伊犁粗定。冬十月。阿睦爾撒納叛。將軍班第參贊容安死之。薩拉爾被執。準部先故有四衛拉（譯言部落）衛拉之分部。各有其汗。自緯羅斯澤台吉強盛。伊犁始為回部盟長。抗衡中國者數世。帝初欲俟事定。仍設四汗以分其勢。而阿睦爾撒納欲為四部總台吉。私以其意乞額駙色布騰代請。期於七月下旬俟命。並使其眾流言。非己為汗。準不得安。因用其國汗舊印。移檄鄰部哈薩克。及俄羅斯等。

國不言降中國。但謂率滿洲蒙古兵來定準。亂班第等密以聞。帝命即軍中誅之。時兵皆凱旋。隨班第等者僅五百人。兵少。班第不敢發。先是。帝令阿睦爾撒納以九月至熱河。行飲至禮。班第等因趣之行。使喀爾喀親王額林沁伴之。欲使入內地。則易成擒也。阿睦爾撒納遲延中途。迨八月。待朝命。猶不至。知事有變。入境且得禍。行至烏倫古河。乃謂額林沁曰。阿某非不臣。實中國無信。今入境如驅犬羊。大丈夫當立事業。安肯延頸待戮。徐解副將軍印。擲與之。曰。汝持此交還大皇帝可也。擁衆馳去。並劫薩拉爾以行。遂噶伊犁叛。又遣衆掠西路軍台。於是諸刺麻宰桑等。盡起應之。永常兵數十。屯烏魯木齊。不敢往勦。班第皆自殺事聞。以色布騰德臣不奏。號爵額林沁縱逆。賜死。並逮永常。改命公策楞為定西將軍。由巴里坤進勦。

二十一年夏五月。號策楞職。命公達爾黨阿為定西將軍。先是策楞師行至吐魯番。薩拉爾自伊犁脫身來歸。知阿睦爾撒納所在。僅距一日程。令參贊玉保急往追之。而玉保信間諜言。謂阿睦爾撒納已就擒。獻者且至。遂駐軍俟之。報捷策楞。策楞遽聞於朝。比策楞至伊犁。則阿睦爾撒納已從容入哈薩克。(可薩克今俄領中亞細亞境)將軍參贊互相告。託言馬力竭。頗師不進。於是和托輝特部青滾雅布亦叛。四部亦騷動。阿睦爾撒納聞之。自哈薩克歸。會衆於博羅塔拉河。謀自立。帝怒。號策楞玉保職。以達爾黨阿富德代之。命巴里坤辦事大臣兆惠為右副將軍。往援。並命超勇親王成衮札布為左副將軍。追捕青滾雅布。

二十二年夏四月。命兆惠出西路。成衮札布出北路。大勦準噶爾。會諸部內訌。又瘟疫成。行兆惠兵至。諸酋迎戰。皆敗死。阿睦爾撒納復西竄。往哈薩克。其汗阿布賚許擒獻。及阿睦爾撒納至。阿布

賚先收其馬。阿睦爾撒納欲徒步入俄羅斯尋覓死。理藩院行文索之。俄人以其屍送恰克圖。帝命成衮扎布歸鎮烏里雅蘇台。兆惠留軍過冬。明年再進。勦餘衆。明年正月兆惠等合圍縱勦。先後虐殺四年。凡山谷僻壤及川河流域可漁獵資生之地。計二十餘萬戶。六十餘萬口。皆搜剔。靡遺矣。事平。改滿洲駐防。徙漢兵耕種其地。置伊犁將軍以統治之。遂成為滿洲一殖民地。

二十三年春正月。以雅爾哈善為靖逆將軍。征回部。回部在天山南路。其舊汗本元裔。後值厄魯特強盛。遂隸準部勢力之下。及阿睦爾撒納窺北天山北路之地。全入中國。南路大和卓木（譯言聖裔）波羅泥都。小和卓木霍集占。欲乘新舊勢力交代之際。謀獨立。陰勒部眾。傳檄各城。咸戒嚴以待。回部數十萬。爭起響應。惟庫車伯克鄂對不欲附和。奔伊犁。霍集占誅其親族。嚴兵守庫。先是兆惠奏派副都統阿敏道為回部招撫使。至波羅泥都欲集所部。受中國約束。霍集占曰。我困卑嗚爾久矣。今屬中國。則文為他族奴隸。不如此時自立。以回復舊有之勢力。乃誣阿敏道入庫城而拘之。尋被殺。至是帝命出兵討之。秋七月。號雅爾哈善職。命納木札爾為靖逆將軍。先是雅爾哈善兵至庫車。進攻不利。霍集占自阿克蘇來援。與領隊大臣愛隆阿軍遇。激戰竟日。霍集占大敗。入城固守。城依山。以柳條沙土交築。環攻不入。提督馬得勝於城北一里外掘地道。已及城矣。而雅爾哈善欲急切收效。嚴令晝夜力掘。敵人自城上瞥見燈火。機遂洩。敵自內注以水。穴城之士卒六百人盡沒。時降目鄂對在軍中。獻策曰。聞霍集占食且盡。必乘我不備。突圍歸。歸則難制。若於城西渭干受曼河。及北山要路。各伏兵一千。則賊成擒矣。雅爾哈善以其言。因不聽。唯下令併力攻取。一日暮。索倫老卒牧城下。聞城中駝鳴。似負重聲。奔告曰。駝鳴高且健。賊將

遁矣。雅爾哈善方欲怒曰：爾何知？酌如故。其夜霍集占奉衆開西門，由渭干、愛曼涉水遁，而守西門之都統順德訥聞報，尚以昏夜不發兵。及曉，始遣百人追之。敵已渡河，斷橋去遠矣。踰數日，城守阿拉辨以空城降。事聞，雅爾哈善、順德訥馬得勝，皆伏法。命尚書納木札爾代之。並令兆惠移師會剿。

二十四年秋七月，兆惠撫定喀什噶爾、葉爾羌二城。初，兆惠師抵烏什，伯克霍廸斯來迎，即前擒送達瓦齊者。詢知波羅泥都奔喀什噶爾，霍集占奔葉爾羌。兆惠既至葉爾羌，以兵少不能攻城，欲伺便取勝。乃擇城東隔河有水草處結營，所謂黑水營也。偵敵之積聚在城南棋盤山，欲取之以克軍實。遂由城南牽橋渡，甫濟四百騎，橋忽斷。城內出五千騎來截，步兵萬餘繼之。張兩翼來攻。隔河兵不能救，陣亡者無算。總兵高天喜、副都統三保、護軍統領鄂實、監察御史何泰、侍衛持通額俱戰歿。餘兵浮水還，掘壕築壘以守。軍中乏食，駝馬亦盡。每乘間出掠回民粟以充食。無水，嚼冰飲，相持三閱月，已無生還望。將軍納木札爾參贊三泰於途中遇敵陣亡。富德在北路冒雪赴援，不得達。會巴里坤辦事大臣阿里衮以兵夜至，合富德軍大呼進，鞭駝馬蹴地聲壯。敵不知來兵多少，駭而潰，遁入城。始與兆惠合，振旅還阿克苏。乃張兩路進師，兆惠由烏什取喀什噶爾，富德由和闐取葉爾羌。兩和卓木各棄城遁去。喀什噶爾、葉爾羌皆復。八月，拔達山部酋索爾坦沙、玉送回苗霍集占首級，回部平。富德等追敵至伊西洱庫河，乃拔達山部界也。敵先據山麓，以待富德。麾兵進擊不利，乃選銳手四十人緣山北嶺俯擊之。敵輜重營有礮，援過山阻於岸者，方驚懼失措。聞霍廸斯對大呼招降，降者蔽山而下。聲若奔雷。霍集占棄之不能止，遂與波羅

泥都逃入拔達山部。當德徽諭其酋素爾坦沙縛以獻。素爾坦沙乃擒二人殺之。波羅泥都首為其從人竊去。乃玉霍集占之首以獻。回部悉定。

編者曰。天山南北之戰事。關地廣萬有餘里。敵敵連百萬口。其成功似甚。然勞師五年。費帑三千萬兩。在人主好大喜功。故不惜國家艱難之物力。與寶貴之人命而致之。此以見開拓地土之不易。矧其所遇非勁敵也。庸足多哉。又霍集占妃香妃者。高宗聞其美。兆惠降時。噶爾生致之。至則郊迎入處之西內。為建香妃樓。樓外肆市室廡。禮拜堂具如西域市。以悅之。而妃不為屈。初衣中藏白刃以數十計。語宮人欲得當以報故主也。太后鈕祜祿氏聞之。恐會高宗有事於圍兵。宿齋宮。后急召妃至慈寧宮。縊殺之。高宗趨救之不及。則痛哭。命葬以妃禮。事見達縣吳德滿湘潭王聞運各集中。附紀於此。

清史紀事本末卷三十二

西南諸國之賓服

緬甸暹羅安南廓爾喀

高宗乾隆三十二年春三月詔明瑞以將軍兼雲貴總督前往永昌接辦緬甸軍務緬甸古朱波地為復印度半島諸國之一自古不通中國宋寧宗時始見史志元世祖嘗往征責賦明時設三宣慰司以屬之然萬曆二十二年後朝貢久虛自康熙元年執送明永曆帝由御史中國復兩方之關係遂絕雍正九年其國與盤邁構兵其頭目蚌占燈遇中國守備燕鳴雖告以國王明年進貢之語而卒未至乾隆十五年始以茂隆銀廠廠長中國人吳尚賢之介紹附表達總督願充外藩適其國本疏部長覺籍牙革命軍起尚賢亦以中飽廠課事下獄事又中止十九年覺籍牙既恢復國都諸土司相率降服惟貴家與木邦二土司抵抗累歲貴家者前隨永曆帝入緬之貴族子孫淪於緬自署曰貴家世據波竜銀廠以資雄諸部二十七年為覺籍牙所戰敗竄居孟連地方為內附計而總督吳達善索七寶鞍於其酋官裏雁不得遂誘而殺之奴其妻婢並徵緬人擒獻官裏雁之妻據占時覺籍牙已死其子莽紀覺嗣據占已適莽酋弟情狀至是情狀以為達善有心指責其妻淫行大忿恨乃時啖其酋內犯達善恐兵連敗露前事戒達將毋與戰緬人自是益心輕中國至三十年遂大舉入犯九龍江方面時達善已移督川陝劉綎代之督兵防戰三路皆敗三十一年朝命大學士楊應琚督滇藩遠以憂懼自刎死會緬軍病疫退去應琚得以其間收復車里孟艮等地乃叛於易勝疏陳緬甸可取狀帝信之應琚移檄緬邦言精兵數十萬陳境上不降即進討於是緬人乃大出兵攻木邦景樂皆陷之又以舟師薄新街守將趙宏榜遁

還虎踞關內。應琚聞警。遂構精神病。詔身督楊廷璋赴漢代治軍。而緬人詐乞罷兵。應琚病亦漸愈。遂奏捷。廷璋乃歸。應琚亞欲與緬人議和。以彌縫前戾。然緬人侵略不止。帝察其僞。令明瑞代之。還應琚回京。尋賜死。是年緬甸襲暹羅。陷其國都。逐其王馬鄰達刺。置守兵而還。暹羅故隋唐赤土國。後分為暹與羅斛二國。元初。暹常入貢。元末羅斛強。其王波羅吉併有暹地。稱暹羅斛國。都滿南河濱之猶地亞。明時朝貢不絕。洪武二年。更號暹羅。自康熙十二年。受中國封貢。使頻至。故為緬甸近鄰。嘗為緬甸所破。為緬附庸。後獨立。至是因其國王不善撫。眾國民時懷二心。緬人復來。機又破之。

三十三年。春二月。明瑞兵潰於小猛育。大將觀音保等皆戰歿。明瑞自殺。明瑞以三十二年五月至永昌。至九月。作戰之計畫已就。遂先將兵萬七千出發。由宛頂向木邦。使參贊額爾景額將九千人。由虎踞關向猛密。十二月。至木邦。守兵望風先遁。留兵五千守之。乘勝渡錫箔江。至象孔。以迷道故。待猛密援兵而後進。乃回軍向猛龍。時額爾景額進次猛密北之老官屯。為敵所困。因幽志死。其弟額爾登額代之。煩兵不遠。明瑞盼援不至。而敵兵迫日急。是年正月。乃復棄猛龍。向木邦。以賊行至小猛育地方。聞木邦留守兵已為敵襲潰。賊參贊珠魯訥。遣員楊重英被擄。明瑞進還受困。遂自殺。所部萬餘人悉潰。領隊大臣觀音保以下十餘人皆死之。事聞。遣額爾登額至京。陳之。並新提督譚五格於市。

三十四年。春正月。命大學士傅恆。前往雲南。經略軍務。時暹羅流寓中國人鄭昭起兵。為暹羅復讐。回復猶地亞。驅逐緬甸守兵。建新都於盤谷。故緬甸時與暹羅構兵。不欲再結怨於中國。遂以

三十三年四月。具蒲葉緬大求和。時副將軍阿里衮已至軍。即據以聞。不許。六月中。參贊舒赫德總督鄂寧。密陳招致緬人事。後被嚴旨。已而副將軍阿桂至。倡與暹羅連盟夾攻緬甸之議。後亦未克實行。冬十一月。經略傅恒奏報緬酋情狀。遣人呈書請和。允之。先是傅恒以七月。率本省四川貴州滿洲兵共六萬有奇。自滇省起行。至曼鳩。樂丹。結筏十餘日。乃畢。由猛拱猛養。所歷二千餘里。無緬兵。遂以十月渡大金江。回蠻暮。是役也。奔走百七十餘日。軍力疲乏。而未嘗一戰。經略名譽頓損。患得病。繼而阿桂率戰艦百艘至。與敵舟大戰於江中。連破之。進攻老官屯。敵壘。敵堅柵自固。攻久不克。敵閉水門通舟。運糧械。阿桂撥戰艦越柵截之。敵人乃遣人立柵上。遞緬文請張幕適中地。將軍等往議款。時阿里衮已故。傅恒又病重。諸將以兵多染瘴。日有死亡。爭請許和。恒乃遣使責緬帥眇旺模。以進表納貢。近土司地諸事。語未竟。眇旺模左顧而去。會有詔召傅還朝。遂罷議。恒歸。未幾以憂患死。

三十五年春正月。雲貴總督彭保遣使往緬甸議和。緬人拘其使不遣。保遣守備蘇爾相往督前三約。為所拘留。帝大怒。復議興師。以阿桂前首倡罷兵。褫職降為兵。會金川事起。遂罷南征議。五十三年秋九月。緬甸使臣細哈覺控等入覲。先是四十一年。金川平。帝遣阿桂赴雲南。會同總督李侍堯。勘邊增兵。為進攻計。緬人縱蘇爾相還。事乃已。至四十四年。緬王惜駁死。其國內亂屢作。四十七年。復為暹羅所破。暹羅王法亞查克利。通貢中國。復得中國冊封。於是緬人益懼。至是遣使入貢。並許釋歸楊重英等。重英自陷緬。獨居蕭寺二十年。緬人說其降。不屈。欲贅為婿。亦不可。前重英被擄。緬人縱其隨員二人還。帝命磔諸境上。且諭令滇督。他日重英歸。即照此辦理。至

是帝怒已解。復重英職。且旌其忠。謂其節通蘇武。親製蘇楊論以褒之。重英未及入國門而卒。其眷屬因繫者亦二十年。及是始放出。冬十月。命兩廣總督孫士毅出兵安南。安南古交趾地。在暹羅之東。今法領亞細亞地也。明永樂時。嘗為中國所滅。宣德三年。黎利起兵獨立。重建大越國。嘉靖時。莫登庸篡國。據河內為北朝。黎氏據清華州為南朝。自是大越分為南北朝。萬曆中。南朝將鄭松逐莫氏。復河內。而阮潢據順化。稱廣南王。於是安南分為大越廣南二國。至康熙五年。賜封大越王黎維禔為安南國王。始通朝貢。乾隆三十八年。廣南土豪阮文長與其弟文惠大慮起兵。覆廣南三分其地。自據中部。稱大帝。以南部與文慮。使文惠回復北安南。鄭棟竊據之北部三州。五十三年。文惠復舉兵滅安南。安南嗣王黎維祁。出亡民間。至是其遺臣阮輝宿。扈王族二百餘人。自廣西龍州附近入邊。士毅以聞。帝以黎氏守藩奉貢百餘年。在中國有保護之義務。乃安置其家屬於南寧。命士毅出師。而別命雲南提督烏大經。以兵八千由蒙自進。入屯宣化鎮。為聲援。留兵二千守諒山。以八千直趨河內。十一月。孫士毅復安南。詔封黎維祁為安南國王。士毅統兵出關。自諒山鎮分道進發。沿途得安南國民之歡迎。提督許世亨遂得以八千人長驅深入。不踰月而恢復東京。士毅承旨封維祁為安南國王。檄廣西巡撫孫永清。歸其家屬。五十四年。春正月。阮文惠襲安南。孫士毅遁入鎮南關。提督許世亨死之。先是東京提關後。詔士毅罷兵。而士毅妄信文惠乞降之說。駐師河內以待。入驕不設備。是日軍中方置酒張樂。舉元日祝典。夜忽得警報。稱阮兵大至。始倉卒備戰。昏暗中自相蹂躪。維祁挈家先渡富良江入邊。士毅隨之。既渡。士毅令斬浮橋以斷後。於是兵在南岸者。自提督以下。溺死至五十餘人。其雲南之師。

以黎人黃文通嚮導得全返。士殺上疏自劾。命入京。以福康安代之。夏六月。封阮光平為安南國王。文忠既據安南。適其兄文岳方與暹羅構兵。恐中國再舉。乃更名光平。遣兄子光顯啟謁。詣督臣言。守廣南已九世。與安南敵國。非有君臣之名分。帝亦以維祁再失國。乃天厭黎氏。維祁不堪扶植。又鑒於前此軍事上之失敗。更無意用兵。因責光平以來年萬壽。光平當詣京師祝釐。及為許士亨等立祠。安南諸事。光平悉聽命。至是。賜光平印。封安南國王。而編置維祁家屬於漢軍。旌授佐領。

五十六年。冬十一月。命福康安為將軍。海蘭察奎林為參贊。往征廓爾喀。先是。西藏南境喜馬拉耶山之南麓。有蠻民居之。分建多數部落。其中泥泊爾部最強。後分三部。時有內訌。其西鄰廓爾喀乘間滅之。遂雄長諸部。乾隆五十三年。後藏班禪族屬適有爭奪遺產之事。廓爾喀復興兵侵入。後藏帝命川督鄂輝成都將軍成德統兵勦之。以侍郎巴忠監其軍。巴忠恃近臣。不服鄂與成統屬。自遣堪布許以歲幣萬五千金。而以敵降師奏。翌年歲幣不至。廓爾喀大舉深入。駐藏大臣保泰擁兵不救。併欲移班禪於前藏。遂賴刺麻不可。至是事聞。帝震怒。已時。扈駕熱河。畏罪投水死。被鄂成保三人職。改保名為淳習澤。一譯言卑賤。命福康安兼程進。

五十七年。春三月。晉福康安為大將軍。夏六月。福康安由青海至後藏。連破廓爾喀屯兵。盡復藏地。後分兵三道侵入泥泊爾。福康安以四月出師。先遣領隊大臣成德岱森由聶拉木進。總兵諸神保駐賊輜。防敵人抄襲後路。而自與海蘭察與敵戰於聶木。又戰於瑪爾轄。直抵濟龍。成德亦由聶拉木轉戰而入。凡復藏所失地悉復。秋七月。福康安連克噶勒拉堆。補木特。帕朗古橋。

甲拉古拉集木集等處七百餘點。福康安自入敵境。敵舉國未拒於嘴多薄。福康安遣海蘭察戰大敗之。遂克木城石卡數十。追奔至雍雅山。敵人遣使請和不許。至是裹糧再進。六戰皆捷。八月。福康安敗績於熱瑣橋。撤披楞部夾攻廓爾喀。廓爾喀再請和許之。遂班師。師行至熱瑣橋。距其國都可非多。僅一日程。福康安以為出師以來。勢如破竹。甚驕滿。擁肩輿。揮羽扇。督戰。兵皆解索鞭。負火鎗以息。敵乘間入。遂大敗。護軍統領台斐英阿以下陣歿者十餘人。時聞敵之南境鄰部披楞。與有夙讐。福康安因徵其同時進攻。敵恐南北受困。再遣人議和。既盟。遂班師。編者曰。是役也。已忠既辱國於前。福康安復憤師於後。猶賴披楞干涉。事克轉圜。用兵絕域者。可不引以為戒歟。

清史紀事本末卷三十三

臺灣林爽文之亂

高宗乾隆五十一年冬十一月臺灣彰化民林爽文作亂。臨彰化諸羅淡水鳳山民莊大田起兵。應之。據鳳山。知府孫景燧都司王宗武同知程峻長庚劉亨基知縣董啟璣湯大奎巡檢馮啓宗等死焉。爽文為彰化巨族。世居縣之大理杖莊。以豪富雄一方。聚眾結秘密社。號曰天地會。（即三合會）積數十年。更無敢問。嗣為知府孫景燧所聞。檄城及副將赫生額游擊耿世文帥兵往捕。不敢入。駐營於五里外土墩。諭村民擒獻。否則村且先焚。鄰近數小村聚以休之。爽文遂因民怒。集眾夜攻營。全軍盡覆。明日。爽文乘勢陷彰化。尋又陷諸羅。景燧宗武長庚亨基啟宗悉為所殺。爽文自稱盟主大元帥。大田亦起於鳳山。約合趙府城。

五十二年春正月。林爽文莊大田分水陸兩路。犯臺灣府。總兵柴大紀禦諸鹽埕橋。爽文敗績。爽文等兵犯府城。大紀遣兵赴南路。以拒大田之眾。而自將禦爽文於鹽埕橋。殺其眾千餘。橋距府治五十里。為水陸交通扼要之區。大紀自守之。敵始不敢窺府城。二月。命常青督師渡臺勦賊。以李侍堯為閩浙總督。柴大紀署理水師提督。郝壯猷署理陸路提督。先是提督黃仕簡任承恩渡海後。觀望失機。時大紀督率官兵義民收復彰化鳳山諸羅鹿仔港竹塹等處。郝壯猷在南路亦頗有新獲。帝聞。命仕簡承恩解任。令常青自行督師。而以大紀壯猷分攝水陸提督。三月。改授藍元枚為福建陸路提督。時諭旨謂大紀壯猷因仕簡承恩等觀望不無效尤。解大紀署任。以壯猷代之。以元枚熟悉臺灣情形。調補陸路提督。夏四月。命常青為將軍。督辦臺灣軍務。以福州

將軍恒瑞陞路提督藍元枚為參贊尋改授元枚水師提督崇大紀署理陞路提督連治黃仕簡任承恩郝壯猷等壯猷尋伏法先是仕簡在臺時檄大紀北取諸羅壯猷南取鳳山大紀連戰獲勝遂復諸羅壯猷南出二十里即為敵阻領兵五十日始獲入鳳山鳳山城已空招民復業匪混其中吏復不覺城復陷游擊鄭嵩進山俱戰歿壯猷遁歸府城至是與仕簡承恩同被逮而斬壯猷以殉軍中六月詔崇大紀補授福建陞路提督兼管臺灣鎮總兵事務大紀復諸羅後與父屢次分路來犯大紀連戰擊退殺獲以數千計常深嘉之故特加擢用秋七月授崇大紀為參贊賞給壯健巴圖魯名號以其在軍中一切調度深合機宜也尋加太子少保八月命大學士陝甘總督福康安為將軍攜帶欽差大臣關防馳赴臺灣代常青督辦軍務以內大臣海蘭察為參贊大臣普爾普舒亮為領隊大臣常青至臺後未幾藍元枚卒青與恒瑞引兵出南路離府城十里遇敵即退疏請增兵萬致敵得以其暇蠶食各村於是泉人之不從反者亦劫使從之旬日間驟增衆十餘萬與大驅以攻諸羅諸羅為府城北障賴大紀力守得不陷青遣兵往援皆不敢進恒瑞復張皇敵勢疏請兵六萬青本和坤私人老而竟在臺畏葸甚日夜流涕欲棄城遁者再請將止之因密札袁乞坤請以他將往代坤屢見奏之帝知二人不足恃故遣福康安海蘭察代之冬十一月詔改諸羅縣為嘉義縣封崇大紀為一等義勇伯世襲罔替令浙江巡撫以萬金卹其家屬時爽尤屢以大隊攻諸羅志在必得又攻鹽水鹿仔諸港以斷府城糧道大紀皆分兵奪之決測堰破礮車以守城兵四千當敵衆十餘萬屢出奇專賊積糧食盡則以花生地瓜油魷充饑福康安奉詔赴援逗留中道疏請增兵而後進又屢旨不准行大紀力守孤城已亘年載至是

敵勢日張。有詔令樺衛兵民出城。再開逸服。而大紀疏言。諸羅失則府城亦危。且數月以來。深壕增壘。守禦甚固。一朝棄去。克復甚難。而城廂內外義民不下四萬。不忍委之於敵。惟有固守待援。帝覽疏為之泣下。賞賚有加。獎諭備至。詔中有大紀當殲盡勢絕之時。惟知以國事民生為重。雖古名將。何以加茲等語。冬十一月。海蘭察大破賊衆於荷仔嶺。再敗之牛稠山。諸羅圍解。賊遁斗六門。初。福康安統兵援嘉義。從海蘭察聲言直抵大里杙。而陰趨縣治。遇敵荷仔嶺。海蘭察奮勇殺入。連破敵衆。即日抵嘉義城。明日福康安亦至。爽文等遁入斗六門據守。十二月。海蘭察攻克斗六門大里杙等處。林爽文遁入集集埔。海蘭察乘勝攻克斗六門。遂掃大里杙。爽文已攜家走集集埔。福康安止海蘭察勿追。使人傳諭埔內生齒。檄爽文出獻。爽文等反得以乘暇布置。據險死守。

五十三年春正月。海蘭察擒獲林爽文於菁谷。爽文自走入集集埔。據漢岸。壘石環數里。海蘭察帥領軍隊騰險而上。爽文與其黨數十走菁谷。至是海蘭察追至老衢崎地方。爽文等悉就擒。二月。海蘭察擒莊大田於牛莊。海蘭察擒林爽文後。即移師攻大田於牛莊。追至極南之琅橋。先以舟師斷其前路。環山圍之。大田亦就俘。餘黨悉定。臺灣平。秋七月。殺太子少保參贊大臣一等伯蔡大紀。大紀前以保護府城。及固守嘉義縣城功。帝與廷臣無不稱其義勇。及福康安至。大紀官兵出迎。咸饑羸無人色。大紀自以參贊伯爵。不執素服之禮。福康安遽勅其前後奏報不實。反誣以激變。遂縊等罪。詞內証及提督蔡榮龍。帝始猶以為疑。前後三詔中。略謂福康安於大紀等。過事吹求。而於恒瑞。又因以親戚。曲為瞻徇。大紀等未免因係大臣。且屢經優旨褒嘉。稍涉自

滿於福康安前禮節不謹。致為所憤。遂直揭其短耳。時福康安已定擬大紀斬決。帝命解京親訊。及後入侍郎德成侍衛額勒登保之譖。又大紀至京。供內有德成在臺灣。連日審訊。義氏誘令指出大紀贓罪等語。帝怒其攀陷。遂著照福康安所擬。即行處斬。而於擁兵不救嘉義之恆瑞。前後失律之常青黃仕蘭任承恩普保吉等。反得不死。或加擢用。

清史紀事本末卷三十四

和坤之貪橫

高宗乾隆四十一年春三月。命戶部侍郎和坤軍機處行走。坤本滿洲官學生。應役鑾儀衛。以選昇御輪。帝見其儀度俊雅。因詢其出身。後奏對稱旨。悅之。擢充總管崇文門。今職在軍機大臣上行走時。帝英明執法。嚴坤務為恭謹。以媚帝。遂蒙寵用。

四十五年夏五月。賜和坤之子名豐紳殷德。指為十公主額駙。時坤已補授尚書。兼御前大臣。自是專寵用事。而性貪賄。督撫司道畏其傾陷。皆曲意奉貨事之。

四十七年秋七月。山東巡撫國泰布政司于易簡伏誅。先是御史錢澧奏。奉命賄獄。虧帑二百萬金。疏上後。帝命澧偕和坤往勘。澧知國泰為坤私人。乃先數日行。至良鄉。遇坤僕自山東來。澧叱搜其身。得奉覆坤書。具言借款填庫備查等事。立奏之。坤知謀洩。故治獄無敢傾險。奏易簡皆賜自盡。後澧以坤與阿桂不睦。軍機辦事不同一處。慮開朋黨之禍。上疏請飭改正。遂奉稽查軍機處之命。而嚴飭坤。坤益味澧每藉事勞辱之。衣食不豫。寒慄感疾。以殞。

四十九年秋七月。調和坤為吏部尚書。協辦大學士。封一等男。時坤嚮用日專。故無學行。既得志。則以聚斂自豐為惟一之目的。

五十一年夏五月。革御史曹錫寶職。命留任。錫寶疏劾和坤家人劉銓衣服車馬房屋踰制。時帝在山莊。有某尚書知其事。飛書告坤。得以掩殺其跡。及留京王大臣奉旨勘查。偕去蹤跡。竟不可得。部議以錫寶妄奏。錫三秋。特旨改革職留任。錫寶恨為友所賣。鬱鬱死。秋閏七月。命和坤為

文華殿大學士。仍兼吏部尚書。賞給黃帶。四開襖袍。

五十六年春二月。逮治內閣學士尹壯圖。時和珅貪橫於內。福康安豪縱於外。督撫習為奢侈。致庫藏空虛。壯圖以假歸雲南有親。帝思之。召來京。將擢用。壯圖至。以整飭吏事入奏。語侵珅。有上下通同一氣。勢不容不交結權貴。以作護身之符。此督撫所以竭力趨奉和珅。而官民受困之原因也。疏入。珅忿甚。請將壯圖革職治罪。帝不許。珅乃請即命壯圖馳驛。普察各省府庫虧空。而令侍郎慶成監之。每至省會。舉動輒為成掣肘。無由察實。反劾壯圖妄言。帝大怒。命革壯圖職。即交與成押解至京。下刑部獄。當革疏時。弟英圖屢問其兄。壯圖笑曰。子不必代兄憂。兄之首早懸都市矣。第代養老親。天年可也。時壯圖母在籍。年逾七十矣。

五十八年春二月。賜浙江巡撫福崧死。兩淮鹽運使柴槐以挪移商人鹽課二十二萬兩伏誅。錄其簿書。中有饋福公金一千兩。實饋尚書福長安者。崧素為和珅所嫌。嗾其私人駭使戴全德。坐贓於崧。帝命解京廷訊。崧揚言常見帝。盡發坤德。坤乃改易獄詞。激帝怒。命於中途賜死。至是於紅花鋪自盡。至今浦人言之。為屈云。

六十年冬十一月。閩浙總督伍拉納。巡撫滿霖。按察使錢受椿。伏誅。時和珅貪橫日甚。徵求財貨。皇皇如不及。當時督撫。如國泰王。望望陳輝祖。郝碩之徒。贓欺累累。屢興大獄。皆珅在內。隱為驅迫。使之不得不貪者也。伍拉納督閩。惟以貪酷用事。至倒懸縣令以索賄。為將軍魁倫劾奏。帝大怒。並滿霖受椿。權解入京。珅令途中故殺其行。冀以解帝怒。帝計日不至。命侍郎衛兆琦召入於豐澤園廷訊。皆置於法。

仁宗嘉慶二年秋八月大學士公阿桂卒桂雖以元勳上公為樞府領袖然十餘年中常奉朝命赴各省治河賑災查案未嘗寧居坤益得以其間竊弄魁柄漸至行文各省令凡有章奏先具副封白單機處然後上聞事政既久吏風益壞積成川楚叛徒之變坤復任意稽查軍報並令各路統軍將帥虛張功績以邀獎叙而已亦得晉封伯爵且於數年報銷勒索重賄以致將帥不得不侵剋軍餉教匪因之日益蔓延幾有不可收拾之勢及桂殁坤乃益橫中外大小臣工順其意則立榮顯稍忤之則折挫隨之矣兩廣總督朱珪帝師傳也時以宗訓政有旨內召為大學士帝作詩寄賀桂屬索未免坤取以白上皇曰嗣皇帝欲市恩於師傅耶上皇色動顧大學士重詰曰汝任軍機刑部之日久是於律意云何詰正容對曰聖主無過言上皇默然事雖得解仍降旨改珪巡撫安徽軍機章京吳光素不為坤所喜一日上皇宴軍機大臣不俾命召章京惟熊光已上直入對稱旨坤至上皇語以熊光頗練事可在軍機大臣上行走坤百計阻撓上皇不為動戴衢亨坤私人也坤因奏曰戴衢亨出身狀頭官學士用吳不如用戴上皇曰此宜殿試耶坤乃承旨而熊光在政府六閱月卒為坤所黜出為直隸布政使餘如兩江總督書麟山東巡撫長麟之謫戍西城浙江巡撫福松之死非其罪宋王弘瞻之抑鬱死章京管世銘之暴卒皆以忤坤故三年秋八月晉軍機大臣大學士伯和坤公薨時勅保總統四川軍務誘匪首王三槐出降而以生擒首逆入告上皇大悅詔晉保及坤公葬

四年春正月和坤伏誅自高宗尊寵坤用事二十餘年養成內外官吏貪墨之風吸收民間脂膏以自封廩百餘年之元氣為之斲喪殆盡而其專恣不法一切潛擬帝制尤為古今所未見嘗於

密室燈下無人時。懸掛高宗御用朝珠。對鏡相相談笑。低聲自語。人不得聞。當帝正儲位未宣諭之先。坤已知之。於先一日呈遞如意於帝。以表示由已擁戴高宗。由是深惡其為人。時以高宗襲之故。隱忍未敢發。是日高宗崩。坤方為總理。急得甚。翌日御史廣興疏發其罪。越三日奪職下獄。尋宣布其二十大罪。賜自盡。以戶部尚書福長安扶同徇隱。亦坐死。優釋之。坤之得罪。抄沒贓賄得八百兆有奇。以二十年之宰相所蓄當一國二十年歲入之半額而強。既盡。積收入官。時人為之語曰。和坤跌倒嘉慶喫飽云。

清史紀事本末卷三十五

巡遊之無度

高宗乾隆六年。秋七月。帝奉太后幸木蘭行圍。御史董洞疏諫。不聽。自是每歲七月。畋於木蘭。至九月。或十一月。始還京師。一後。不備紀。一初。帝慕蘇州風景。欲南巡。使大學士訥親往江浙。查道。費奏曰。蘇州城外。惟虎邱。稱名勝。實則一墳堆之大者。城中街道。臨河。河道仄逼。莫船聚集。午後。輒臭不可耐。不足以言風景也。帝聞之。遂止。

八年。秋九月。帝奉太后幸興京盛京。冬十月。還京師。

十年。秋七月。帝奉太后幸多倫諾爾。九月。還京師。

十一年。秋七月。帝奉太后西巡。幸五臺山。改慶都縣曰望都。因避克母名也。

十三年。春二月。帝奉太后奉后東巡。駐趙北口。侍太后臨閱水圍。至曲丰。謁孔林。至泰安。詣岱嶽廟。登岱。三月。駐濟南。幸趵突泉。侍太后閱兵。幸歷下亭。回鑾至德州。后崩。命莊王和王奉太后。緩程回京。后富察氏。性嚴重。雖在行次。不忘永巷之規。是日。帝在舟中夜譏。后至自他舟。因事進諫。語頗激烈。時帝已被酒。怒。頗加詬誶。后羞忿。近。失足踏水死。帝醒。乃大悔。留侍殯殮畢。親扶柩返京師。飾終之典。視他后獨隆焉。

十五年。春二月。帝奉太后西巡。幸五臺山。三月。還京師。冬十月。帝奉太后幸河南。詣中嶽廟。登嵩山。駐開封。閱兵。幸古吹臺。十一月。還京師。

十六年。春正月。帝奉太后南巡。二月。至蘇州。見靈巖梅可合抱。帝嘆賞不置。時內大臣博爾奔

察侍側拔刀作欲砍樹狀帝驚問對曰憾其不生於圓明園而使上跋涉江湖之險也帝知其祖已不憚者久之三月至杭州幸觀潮樓閱兵渡錢塘江祭禹陵還駐杭州閱兵召試諸生賜謝壩等三人舉人授內閣中書旋由蘇州至江甯侍太后臨視織造機房閱兵召試江南諸生賜將雍等五人舉人並進士孫夢選同為內閣中書夏四月駐奉安祀東嶽五月還京師秋八月保舉經學顧棟高放歸棟高保舉經學不赴論給國子監司業銜顧吏強昇之入都及召對復以老病不任職辭帝許之曰憐卿年衰是以允令回籍頤養將來朕巡至江南尚可相見棟高曰上尚欲南巡耶帝默然旋放還山

十八年春二月磔江西撫州衛千總盧魯生並殺其子盧錫齡盧錫榮及南昌衛守備劉時達先是乾隆十四年十月江督黃廷桂以該省紳耆士庶共望翠華臨幸入告帝大悅溫旨報可廷桂盱衡屬色供張辦而督責過嚴屬吏苦之時大學士孫嘉淦在當雍正初年以檢討上封事三曰親骨肉停捐納罷西征用是直聲震天下至帝尤倚重之凡所言無不納魯生遂與時達等偽為嘉淦誅止南巡疏索萬言指斥來與偏劾閣臣鄂爾泰張廷玉等傳播遠近自十六年八月滇督碩色發其事窮治年餘至是始得真相此案文武吏牽連獲罪者幾及千人蔓延至於七八省而嘉淦自是亦不自安未幾以憂卒

二十一年春二月帝東巡謁孔林時以平定津噶爾告功孔廟也三月還京師

二十二年春正月帝奉太后南巡二月幸蘇州杭州三月幸江甯夏四月幸閩里釋奠孔廟五月幸木蘭避暑秋九月還京師帝每年四五月入夏則往熱河避暑且行閱馬八九月

天漸涼則回燕京。歲以為常。今於是年具紀往還。餘不悉載。

二十四年夏五月。帝在木蘭。先是沿途建設避暑山莊七十二處。間地數十畝。種植時花。分置亭榭。所費約計億萬。一日。帝游至蒼石。四顧茂林修竹。綠草如茵。清風習習。幾不知盛夏之將至。顧而樂之。語內大臣博爾濟察曰。此真無愧避暑山莊也。對曰。陛下就宮內言之耳。若外間城市狹隘。房屋低小。人民皆蟻處其中。兼之戶竈銜接。炎熱實甚。故民間有諺曰。自皇帝之莊。其間暑百姓仍是熱河也。帝愜然揮之出。為之不怡者累日。

二十六年春二月。帝奉太后西巡。幸五臺山。三月。至正定。閱兵。至平陽。流行獵。還京師。冬十

一月。太后七旬萬壽。帝以后喜江南風景。於萬壽寺傍造廬。仿江南式。市廛坊巷。器具長至數點。奉饗輿往來游行。名曰蘇州街。又於同樂園設買賣街。凡古玩估衣以及酒肆茶館。無不備。甚至鴉小筐售瓜子者。亦備焉。各大臣入園買物。或集酒館飯肆。哺啜。帝過肆門。聞走堂者呼菜店小二報帳。司帳者核算。字音雜遝。紛然並作。帝每顧而樂之。又每歲祀龍王。坤寧宮正室中之坑上設鼓板。后先至。帝繼至。自擊鼓板。唱訪賢一曲。執事官鵠立環聽。唱畢送神。帝起還宮。至嘉慶時始罷。二十七年春正月。帝奉太后南巡。二月。至京口。閱兵。幸焦山。蘇州。三月。幸杭州。江寧。夏四

月。命莊王侍太后回京。帝由徐州至曲阜。謁孔林。祭岱廟。五月。還京師。

二十八年夏五月。帝奉太后幸木蘭行圍。至承德。時霖雨決旬。河水暴漲。帝欲乘騎渡河。按察使三保扣馬諫。帝以滿洲舊俗習勞尚武為言。對曰。上奉太后乘輿同至。即使上渡河安。不載慈輿。何恃以濟。帝動容回轡。

三十年春正月。帝奉太后南巡。閏二月。至蘇州。杭州。欲幸東浙。召侍郎蔣召南入。詢以天台雁宕之勝。召南以未經遊覽對。帝曰。卿籍隸台州。因何不到對。曰。山勢岩壑。窮流深險。臣有老母在。孝子不登高。不臨深。是以不敢往遊。帝時奉太后南來。聞之。遂命回鑾。三月。幸焦山。駐江寧。祭江神。夏四月。還京師。

三十一年秋七月。后那拉氏崩。命以妃禮葬之。先是三十年閏二月。帝在杭州。嘗深夜微服登岸遊。后力諫止。至於泣下。帝謂其病癯。令先程回京。及回鑾。后將以病狀。刑部侍郎覺羅阿永阿欲誅以母老躊躇。母諭之。阿永阿涕泣別母。侃然上疏。帝大怒曰。阿某覺羅近臣。乃敢蹈漢人惡習。博一己之名。召九卿議罪。閣臣陳宏謀託庸。皆依違其間。刑部尚書錢汝誠獨曰。阿永阿有母在堂。盡忠不能盡孝。帝斥之曰。錢陳厚老病居家。汝為獨子。何不歸家盡孝。乃成阿永阿黑龍江。斥汝誠歸養。而后得以不廢。至是后崩。諭所有喪儀。不使復循皇后大事辦理。止可照妃例行。交內務府承辦。御史李玉明復上疏。請行三年喪。亦成伊犁。二人先後卒於邊。

三十二年春二月。帝幸天津。三月。還京師。

三十五年春三月。帝奉太后東巡。旋還京師。

三十六年春二月。帝奉太后東巡。以金川平定告功孔廟也。三月。謁岱廟。登泰山。謁孔林。夏

四月。還京師。

四十一年春二月。帝奉太后東巡。三月。至德州。登泰山。謁孔林。賜山東及各省召試諸生黃道。肥等三人舉人。舉人寶汝翼等二人內閣中書。夏四月。還京師。

四十三年。秋七月。帝幸咸京。八月。還京師。

四十五年。春二月。帝南巡。幸焦山。蘇州。三月。幸海寧。觀潮。幸夫山。自杭州至江寧。夏五月。還京師。

四十六年。春二月。帝東巡。幸五臺山。三月。還京師。

四十八年。秋八月。帝幸咸京。以和闐玉新造列朝冊寶告成。親送舊冊寶藏於咸京太廟也。九月。還京師。

四十九年。春正月。帝南巡。二月。駐曲阜。謁孔林。三月。幸金山。焦山。蘇州。海寧。夫山。杭州。仍至蘇州。三月。幸江寧。至張家樓。渡江。還京師。

五十一年。春三月。帝西巡。幸五臺山。三月。還京師。

五十三年。春二月。帝幸天津。旋還京師。

五十五年。春二月。帝東巡。至泰安。登岱。至曲阜。謁孔廟。孔林。回鑾。至涿州。有僧人奉一幼童迎蹕。言係皇四子履郡王永城之子。以次妃王氏妬嫉。祿祿逐出。帝以童子入都。會軍大臣會鞠。司官保成指為偽。斬僧於市。成童子於伊犁。後松筠奏其自稱皇孫。招搖愚民。斬之。夏五月。還自京師。五十七年。春三月。帝西巡。幸五臺山。夏五月。幸木蘭避暑。以駐蹕臺麓寺。行宮北垣外未設堆撥。又不行傳籌。隨扈王大臣等皆嚴議處分。秋九月。還京師。

五十九年。春三月。帝幸天津。賞銀三萬兩。為津淀揚芬港豫備龍舟之用。夏四月。還京師。

編者曰。康熙朝藉聞河為名。有六度南巡之舉。至乾隆時。循其舊例。南巡者亦六度。東巡者七。

西巡者五。至於盛京興京。近畿之天津保定熱河河南。車駕時出。紀不勝紀。蓋臨御六十年中。每歲春明。巡幸東南。秋畋木蘭。無虛歲。內禪後三年中。亦如之。所過郡邑。雖亦減其租稅。增廣學額。優禮耆年。召試文學。而供億煩苛。居民已不堪其苦。其時朝臣中。亦未始無呼戲阻駕。力請回鑾者。然一經抗論。斯厭。隨之編修杭世駿疏論時事。中有謂巡幸所至。有司一意奉承。其流弊皆及於百姓。高宗大怒。命置重典。積侍郎觀保諫免。赦回里。尹會一視學江蘇。還奏言。上兩次南巡。民間疾苦。怨聲載道。嚴諭詰之曰。汝謂民間疾苦。試指出何人疾苦。怨聲載道。試指明何人怨言。坐誦成侍讀學士紀昀嘗從容為帝言。東南財力竭矣。上當思所以救濟之。怒叱之曰。朕以汝文學尚優。故使領四庫書館。曾不過以倡優蓄之。汝何敢妄譚國事。內閣學士尹壯圖疏言。督撫藉詞辦差。勒派屬吏。遂致倉庫虧耗。降旨詢問。蹙額興嘆。究屬何人。壯圖回奏。係下吏怨及督撫。小民怨及牧令。怒乃稍解。仍命革職。自是而後。朝臣皆相與結舌。卒無復有為民請命者矣。勞民傷財。卒耗元氣。及至末運。而中國無寧歲焉。

內禪之真相

高宗乾隆六十年。秋九月。帝御勤政殿。召皇子皇孫王公大臣入見。宣示立皇十五子嘉親王顒琰為皇太子。以明年為嗣皇帝嘉慶元年。帝踐阼之初。嘗焚香告天。若得在位六十年。即當傳位嗣子。嗣以次子永璉為嫡出。且人品貴重。當然繼體。因於乾隆元年七月。循用雍正初年成式。親書其名。密置於乾清宮正大光明匾後。旋永璉於三年十月病殤。帝召大臣等啟開密旨。贈為端慧太子。後復以七子永琰亦係嫡系。擬書名藏貯。繼念其年尚幼穉。而未果。旋亦早世。諡曰悼。至三十八年冬至祀南郊。帝以今太子名昭告上帝。並默禱如所定嗣子不克負荷。即降之罰。使其夭折。俾得再簡元良。以延宗祏。是日復遣詣盛京祀陵。隱然以神器攸歸。面稽於祖也。至是御門宣布冊立緣由。俟長至後。太子移入毓慶宮。以定儲位。即於明年元旦行授受典禮。並兩次宣諭。略謂朕今精神康健。視聽未衰。一日不至倦勤。即一日不敢懈弛。歸政後。凡遇軍國大事。及用人行政諸大端。仍當躬親指教。俾嗣皇帝將來知所秉承。至中外具題章疏。及引見文武官員。尋常事件。俱由嗣皇帝披閱。奏知朕辦理云云。冬十二月。諭朕於明年歸政後。凡有繕奏事件。俱書太上皇帝。其奏對稱太上皇。

仁宗嘉慶元年。春正月朔。舉行授受大典。帝侍上皇詣奉先殿。室子行禮。上皇御太和殿。親授帝璽。帝跪授上皇受賀畢。還寧壽宮。帝即位受賀。奉上皇傳位詔書。頒行天下。軍恩有差。帝侍上皇詣壽皇殿行禮。御乾清宮。賜皇子親藩等宴。帝奉上皇命。冊立嫡妃喜塔臘為后。側妃鈕祜

祿氏為貴妃劉佳氏為誠妃侯佳氏登嬪。帝侍上皇御宴壽宮皇極殿。舉行十宴宴。賜親王大臣蒙古貝勒貝子公額駙台吉年七十以上者三千人。及回部朝鮮安南暹羅廓爾喀貢使等宴。其一品大臣年屆九十以上者。上皇召至座前。親賜卮酒。餘賞詩章如意錄綴文綺銀牌等物有差。二月。帝御乾清門聽政。自是以為常。在圓明園。則御勤政殿。帝初御經筵。詣傳心殿行禮。三月。帝侍上皇出京謁陵。幸南苑。行園七日。還京師。夏五月。帝侍上皇幸木蘭行園。帝奉上皇命。晉贈故大學士閻浙總督貝子福康安為郡王。予諡文襄。配享太廟。康安奉命征苗。督七省之兵。與苗相持一年餘。始奏么麼不足數。及老師曠日。則頻以暴雨山潦漲阻為辭。先後請益兵數萬。降苗受官弁百餘。月給鹽糧者數萬。旋撫旋叛。軍士中暑者死者甚衆。數省轉輸費巨萬計。在軍窮極奢侈。軍若常天。願上皇寵任之。屢欲晉以王爵。而絀於家法。乃俾總師于達軍功。以為分封之基礎。所至之地。簡名將勁旅以輔之。父傳恒。晉貝子。兄靈安。隆安。弟長安。皆尚主。至是康安平。六月。己亥朔。日食。秋八月。還京師。九月。帝奉上皇命。御出入賢良門。率皇子諸王等習射。冬十二月。帝侍上皇。幸皇次子吳寧（宣宗）所。賜成太婚禮。

二年。春二月。后喜塔臘氏薨。諭謂皇后册立甫及一年。母儀未久。且所夕承歡。請取吉祥。此七日內。圓明園值日奏事之王大臣等。及引見人員。俱著常服。惟不挂珠。此禮以義起。天下臣民等。自當共瞻朕崇奉皇父孝思。故謹遵行。副朕專隆尊養至意。時帝以禮統於尊。一切喪禮從稅。而和坤福長安等。每日進見上皇。必詳詢帝不過於哀悼否。及在宮內服色。坤等輒對以皇帝以孝奉為務。甚能以禮制情。並不過於傷感。因奉養太上皇。諸取吉祥。不獨御用係屬常服。即凡隨從太

監等亦然。上皇聞之，乃大悅。三月，帝侍上皇幸盤山，越十日還京師。夏五月，帝奉太上皇勅，命將冊立貴妃鈕祜祿氏為皇后，先封為皇貴妃。帝侍上皇幸木蘭行園。秋八月，還京師。冬十月，乾清宮交泰殿災。

三年夏五月，帝奉上皇幸木蘭行園。秋七月，帝奉上皇命，以雨停秋獵。九月，帝侍上皇回京師。冬十月，辛卯朔，日食。戊午己未之夜，衆星交流如織。

四年春正月，上皇崩。下和坤福康安於獄，帝受禪三年中，一切仍由上皇主政。坤日侍上皇左右，見其毫釐，竊弄威福，日盛。帝皆優容之，且外示親厚，呼相公而不名。遇有奏上皇者，皆令坤代白。左右有非之者，帝曰：「朕方倚相公理四海，何可輕也？」坤又薦其師吳省蘭為帝錄詩草，覘動靜。帝知其意，吟咏中，不露圭角。坤心安之。又帝於臣工條陳章內語有侵坤者，下軍機及部議時，皆裁去銜名及指尾年月日，或止交議一事，而裁去其前後文，不欲令人知之。恐其觸怒上皇，取怨權奸也。至是上皇崩翌日，御史廣興廣泰給事中王念孫交章劾坤。帝立命儀成、二王傳旨，逮問，並令勇士阿蘭保監以行。坤旋伏法。

清史紀事本末卷三十七

嘉慶中夜

仁宗嘉慶四年春正月帝親政詔罷貢獻論中有諸臣以如意進者朕視之轉不如意時葉爾羌採解大塊玉石已輦至嘉峪關前今無庸解入並弛私售葉爾羌和闐等處玉禁撤回各卡倫防兵歸伍一時珠玉之價驟減十之七八云諭九卿科道奏事封章密奏直達御前不得另具副封關會軍機處追贈已故御史曹錫寶副都御史銜錫寶在乾隆中嘗勸奏和坤家人劉全倚勢營私家貲豐厚至是坤伏法查抄全家產數道二十萬帝嘉錫寶當日之敢言特旌之並令給予一子陰生二月復宗室會試例並著自辛酉科為始與生監一體鄉試夏四月給降調禮部主事尹壯圖給事中銜帝念前內閣學士尹壯圖以陳奏各直省倉庫虧缺降調回籍深致惋惜今馳驛來京將加擢用至是壯圖來京以母老陳情乞軍機王大臣代奏命給予給事中銜仍令馳驛回籍侍養並准其在籍奏事呈由雲南巡撫轉遞禁京城開設戲園五月禁止各省攤扣官員養廉及兵丁月餉秋七月東南濱海大風雨海嘯八月定各省刑具式有私創及非法濫用者罪之戊翰林院編修洪亮吉於伊犁亮吉上書成王永理及朱珪劉權之言時事冀其轉奏書中羅列諸事和坤諸人現列官中外者四十餘人未復指斥東輿有三四月以來視朝稍曩恐有俳優近習榮感聽聽譏王以聞帝大怒即日逮獄治罪尋命免死發往伊犁交將軍保寧嚴行管束九月江南洪澤河決冬十月敕發湖北襄陽道胡齊嵩因經手湖北軍需任情侵盜致侵蝕至二十餘萬兩逮京訊實命即處絞自動解教匪以來已歷四載費帑銀數逾七

千餘萬而各省協濟之款尚不在此數嗣查川省弊端更甚建昌道石作瑞吞侵帑銀至五十餘萬兩是諸將帥會飲多在深菁荒麓間一席之費輒至三四百金賞賜優伶揚食僕從不與焉福康安初至作瑞饋珍珠三斛蜀錦一萬匹他物稱是所使者固皆蕩盡至死無以殮人爭決之

冬十月命在京大員密保才守出眾人員十二月降國子監祭酒法式善為翰林院編修式善於春間條奏事宜指首有親政維新語及論八旗出關屯田一節大忤帝意擬京察時罷斥至是尚書豐紳濟倫以人才保薦帝疑有請託命解任下廷鞫尋命降調

五年夏四月癸未朔日食以旱命清獄六月申嚴赴京越訴罪秋八月命王大臣等於自行陳奏事件須自行呈遞即各部旗衙門公遞事件亦應專差值堂官一人親自到官門遞交奏事官接覽諭出差人員除軍機大臣等准其隨帶軍機章京外其餘各省庫行奏請者即將該大臣治罪九月申諭各督撫毋奏留升任他省人員

六年春正月禁鄉會武卷月隱餅子書及書寫外篆字體三月申嚴匿名文書坐罪例夏六月京師大雨宮門水深數尺永定河溢桑乾河決詔曰自六月初日大雨五晝夜宮門水深數尺桑乾河決漫口四處京師西南隅幾成澤國村落蕩然聞者傷心見者慘目小民何辜胥子之罪也擬今秋停止巡幸云云命清獄

七年春二月雲南雖西騰保人膽者布恒乍綱勾結保僞夷人滋事命琅玕勦之夏四月諭部院大臣簡放督撫者除有兵差審察之事不得奏請隨帶所屬人員五月琅玕奏擒獲保苗膽者布攻克康普寨勦洗北路保匪六月琅玕奏兜勦康普葉枝夷匪西北兩路全境疏通秋

七月。帝秋獵木蘭。八月。己亥朔。日食。九月。帝還京師。冬十月。禁止番役子孫出仕應試。十二月。安徽宿州匪徒滋事。費淳等討平之。

八年。春。閏二月。內務府廚役成德犯罪。捕獲伏誅。是月二十日。帝進宮齋戒。將入順貞門。成德徑前行。糾固倫額駙喀爾喀親王拉旺多爾濟立擒之下。廷訊無供。但云事若成。則公等所坐之處。即我坐處而已。命不必深詰。並其子孫免對兒孫之迄。不知何人所使也。秋七月。帝秋獵木蘭。九月。予告尚書彭元瑞卒。贈協辦大學士。諡文勤。元瑞天才敏贍。與紀昀同有才人之目。所作應舉文字。婉麗清新。人爭傳誦。東河衛家樓河滋。帝還京師。冬十月。開衛工捐例。十一月。申禁上控案件。發原審官。

九年。秋七月。帝秋獵木蘭。九月。帝還京師。冬十二月。大學士劉墉卒。予諡文清。墉久統勅。遇事神敏。性復剛勁。有古大臣風。高宗頗敬憚之。乾隆朝大臣。其始終未曾一入刑部獄者。勲一人而已。卒諡文正。墉以貴公子為名翰林。書名滿天下。繼父為宰相。天下呼為小諸城。

十年。春正月。予告大學士王杰卒於京師。予諡文端。杰在相位。與和珅同列。遇所當執。汔不與同。後珅伏誅。其密贊之力為多云。二月。協辦大學士紀昀卒。予諡文達。昀為四庫全書館總纂官。每進一書。仿劉向曾鞏例。作提要冠諸簡首。時推為大手筆。夏四月。團禁西洋人德天賜於熱河。厄魯特營房。因在內地。刊書傳教也。其代為遞送書信及奉教傳教人廣東陳若望等男婦共十四人。均發伊犁。給厄魯特為奴。六月。永定河溢。閏八月。寶尤旗見紫微垣。越日。南方大雨。秋七月。帝秋獵木蘭。八月。御前大臣都統公額勒登保卒。予諡忠毅。額勒登保。初隸海蘭察部。

下。每戰輒陷陣。海蘭察語之曰。子將才。宜略識古兵法。以其不識字。取諸鮮三國演義授之。遂為名將。尤嚴操守。用兵久。諸將多蓄貨財。凱旋日。過蘆溝橋。皆輜重累累。額勒登保獨行李蕭然。數騎而已。九月。帝還京師。

十一年春正月。定免死改遣罪犯。分別年限減釋例。三月。嚴禁浙江江蘇等省販米出洋。秋七月。帝秋獵木蘭。九月。還京師。冬十二月。大學士朱珪卒。予諡文正。珪為帝師。於大學義利之辨。通鑑治亂之由。反覆陳說不倦。尤以好士聞。通人寒士。必揚其名於朝。

十二年夏四月。以旱。命清獄。中禁地方官擅造非刑。五月。定各省奏咨案件違限處分。秋七月。有火星見於西方。歷四夜而滅。八月。甘肅大通縣番眾滋事。討平之。帝秋獵木蘭。九月。嚴禁八旗抱養民子為嗣。帝還京師。冬十月。罷武會試。內場策論。改今然。寓武經。十一月。天壇齋宮災。

十三年春三月。命減直隸軍流以下罪。夏六月。江蘇荷花塘蓮河溢。江南七里溝蓮河溢。秋七月。帝秋獵木蘭。九月。試用通判王履泰進呈編輯畿輔安瀾志。奉旨留覽。帝還京師。冬十月。癸巳朔。日食。

十四年春正月。敕殺總管內務大臣廣興。廣興初官給事中。以參劾和坤著直聲。海推今職。繼以緞庫官員串通總管太監孫進忠。挑斥宮中支應綢緞數目不符。革職。帝命山東河南密查廣興前往該兩省審案時考蹟。東撫吉綸覆奏。廣興與都御史周廷棟同在東省審案。周廷棟全無主持。致民間有周全天下事。廣聚世間財之謠。帝大怒。下廷訊。至是命處絞。子璵。秀等咸吉林。陝督

長齡時在東撫任內聽任藩司邱庭澄動帑辦差遣戍伊犁庭澄發黑龍江是案中外因連獲賊徒者十餘人二月劉貝子德麟捐修南河要工追論其父福康安生前簠簋不飭罪也三月西安將軍公德榜奏奉命予諡壯果德榜奏奮勇敢戰前在川征敵匪時與額勒登保同心戮力以底成功夏六月素山陽知縣王仲漢於市仲漢辦賑浮冒委員李毓昌將稟揭之仲漢毒斃之以滅口至是逮京訊實正法知府王觀處絞總督鐵保革職秋七月帝秋獵木蘭九月戊浙江學政劉鳳誥於黑龍江以代辦監臨有將應試生員徐步鑒印用聯號情弊也帝還京師冬十月左遷山西布政使劉清為刑部員外郎清前在四川時招降川東賊二萬與賊大小百餘戰斬賊萬計尤能得民心王三槐傳至京廷訊供言官通民反帝問四川一省官皆不善耶曰惟有劉青天一人帝立加殊擢累官至今職川督勒保深嫉之奏言清民社有餘方面不足遂致左遷後官至曹州鎮總兵

十五年春二月命試辦海運以河工儉壞漕運阻滯故也三月命嚴查攜帶鴉片入城夏六月山西大旱秋七月永定河溢帝秋獵木蘭九月還京師冬十月江南高堰山圩雨廳隄壩決

十六年夏四月以京師及河南山東旱命清獄六月西北有星芒溢三四丈八月白虹見十七年春二月諭凡軍流人犯有在配所遣人來京呈遞封章者無論是非虛實均一體治罪降御史榮春一級調用以訛言偷翦髮辮入奏故也秋七月申諭直省督撫嚴查所屬私造非刑

十八年夏六月。中禁宗室覺羅。與漢人為婚。命賜浙江生員鮑廷博舉人廷博於乾隆間進其藏書之知不足齋。至是復進所刻知不足齋叢書第二十六集。帝嘉其好古績學。老而不倦。故有是命。秋七月。申禁私販鴉片煙。定官民服食罪。帝秋彌木蘭。八月。定舉人每屆四科大挑一次。仍照例扣除近三科舉人。九月。帝還京師。

十九年春正月。復開捐例。自十九年四月至明年五月乃止。謂之豫東例。閏二月。學士蔡之定請行用精鈔。不許。諭將乾隆年間增設名糧額數酌議減汰。仍復舊制。尋部議各省統計裁兵一萬四千二百四十名。馬一千三百五十六匹。夏六月庚申朔。日食。江南旱。秋七月。江南蘇州松江太倉各府州縣地生白毛如髮。帝秋彌木蘭。九月。還京師。

二十年夏四月。頒御製官箴二十六則。宣示內外。四川中曉對番酋洛布七力作亂討平之。六月乙卯朔。日食。秋七月。帝秋彌木蘭。八月。復兩江總督百齡太子少保銜晉爵三等男。先是本年春間。湖北江西安徽江蘇等省。拾獲匿名揭帖。上印九龍朱批。字體詭異。詞語悖逆。命各省督撫偵刺。久無踪。至是百齡遣人於和州巢縣等地方緝獲。展士隴方榮升等首從百五十人。獻實。抵極法。無漏網者。帝嘉其之著賞還官銜世爵。九月。帝還京師。冬十月。山西河南地震。十二月。諭飭江南湖北河南各督撫嚴禁清茶門教匪。有濰州石佛口王姓。其先世自前明以來倡立白蓮教。自稱闡香教主。流傳二百餘年。改教名為清茶門。至是為督臣那彥成等獲。帝命依律懲治。其直省傳教匪犯。飭各督撫迅速查拏。

二十一年秋七月。帝秋彌木蘭。八月。諭歲舉秋額。係我朝家法。必當永遠遵傳。嗣後每遇進

大小臣工概不准以雨水寒冷為詞妄生浮議。倘仍造作浮言希圖阻止。必將其人按軍法治罪。立正典刑。不稍寬貸。九月。還京師。冬十一月。兩江總督百齡卒。贈協辦大學士。予諡文敏。百齡少負時望。當局爭欲延攬。而批劾自異。不屑隨人俯仰。致浮沉冷局二十餘年。嘉慶初。始數應重鎮。勲望偉然。

二十二年。春二月。始命大批人員分發河工差委。夏四月。甲戌朔。日食。以大旱。命清和五月。命新進士朝考。以許疏論命題。裁去擬古。詔不用者為令。六月。華大學士松筠職。因疎阻明年。幸盛京也。秋七月。帝秋獵木蘭。九月。還京師。絞殺宗室海康慶。遇俱以學習邪教故。冬十月。辛未朔。日食。

二十三年。夏四月。戊辰朔。日食。京師風雷。室中然燭。始能辨色。帝下詔修葺。六月。河南武涉縣沁河溢。秋七月。帝詣盛京謁陵。冬十月。還京師。予告大學士董誥卒。誥邦達子也。父子俱以工繕事。久直南書房。至大用。

二十四年。秋七月。帝詣避暑山莊。永定河溢。黑虹見於西北。八月。河南蘭陽倭封北岸河溢。九月。帝還京師。

二十五年。夏四月。華盛京將軍松筠兵部尚書和世泰侍郎裕恩等職。因兵部遺失行印也。秋七月。帝秋獵木蘭。帝崩於避暑山莊行殿。道詔命皇次子智親王綿寧嗣位。更名奕寧。以明年為道光元年。帝壽六十有一。葬寶華峪。諡曰睿廟。號仁宗。

清史紀事本末卷三十八

各省之叛亂

仁宗嘉慶元年春正月湖北荊州白蓮教匪作亂命巡撫惠齡勦之白蓮教者奸民假持齋治病為名偽造經咒畫像以惑眾斂財安徽劉松為教中領袖事發被捕遣戍甘肅其徒劉之瑞宋之清等分赴川陝湖北一帶布教久之黨日衆遂倡言劫運將至以河南虎邑王發生說託明裔朱姓為煽動流俗之計事覺皆伏誅而劉之瑞乘間脫走於是有旨大索州縣官奉行不篤遂戶搜緝輾轉株連奸民乘間煽之而枝江蕲縣人宜都張正謨遂起而作亂宜昌之長樂長楊等縣匪大起皆以官逼民反為詞蔓延五省時國家方以征勦苗匪治軍為苦貴州則石柳鄧湖南則石三保吳半生吳騰登吳八月等八月雖未久就獲其子廷義廷禮仍負隅自若教匪事起無兵應調遣因令惠齡就近勦治三月荊州總兵富志耶擒蕲縣人於枝江襄陽人姚之富與教匪齊林之妻王氏復起事冬十一月教匪渡漢河遠提督永保治罪以惠齡總統軍事時苗匪石三保石柳鄧吳廷義等皆就獲吳騰登投誠

二年夏五月解惠齡任以陝督宜縣代之以姚之富奪全王廷詔等分三股由白馬石搶渡漢江惠齡既不沿江截殺又不追勦故也尋改勒保總統軍事

三年春二月逮將軍明亮下於獄以匪首齊王氏竄走渡江不能攔截故也夏六月被都統德楞額以嚴匪高均德竄入川境故也尋諸軍逼匪三岔河大破之齊王氏姚之富皆墜崖死秋七月參贊勒額登保擒羅其清於方山坪移師襲冉文傳於通江斬之川北兩巨股皆平同時總

統勒保擊斃林亮功於梁萬間。王三槐投誠。而勒保以生擒奏。三槐解至京。帝親審訊。三槐有官
逼民反之供。帝亦為之惻然。

四年春正月。授勒保為經略大臣。各路均歸節制。時帝知教匪之蔓延。皆由統兵大臣承受和坤
風旨。專以老師糜餉。殺脅從。冒功賞為目的。因賜和坤自盡。以勒保任經略。罷達失機及肇祺諸
臣。分別治罪。更定勒撫方略。下哀痛之詔。行清野之策。定綠營兵之優恤。開諸賊自新之路。自是
大慙。伏法。廟諱更新。始漸收討賊之效。秋七月。連經略勒保。以明亮代之。勒保任經略半年餘。
安坐達州。不圖進取。致教匪聚於楚。有日益猖獗。八月。改命額勒登保為經略。以明亮不勝任
故也。尋命高書那彥成。以欽差大臣赴陝。監明亮軍。逮治提督慶成。陝撫永保。時三帥不和。師久
無功。故有是命。

五年春三月。內大臣德楞泰大敗冉添元於四川之馬蹄岡。擒之。添元橫行川中。蹂躪數十州縣。
至是被獲。尋又敗賊於潼河。賊匪首雷士玉、孫嗣鳳、張子璉等。夏六月。河南布政使馬慧裕捕
獲匪劉之協於葉縣。送京師誅之。時甘肅各匪為諸軍追逼。局促於漢北。數日滅。劉之協既誅。謝
諸道將帥。布告羣賊。又御製邪教說。宣示。但治從逆。不治從教之情。劇寇失反側安。自是大局始
稍稍鎮定矣。

六年春二月。陝西提督楊遇春大敗賊於西鄉之兩河口。擒賊目王廷詔等十餘人。送京師。時額
勒登保經略有方。川陝十餘萬賊。掃除殆盡。所存者不過二萬餘。皆散處邊僻。

七年冬十二月。額勒登保等奏報川陝甘餘匪肅清。時賊皆敗餘。惟尚文明尚存殘衆二千餘。馳

突陝甘諸軍有計勦捕。至七月間。斬文明於秦嶺之花石崖。至是首逆已盡。殘匪無幾。額勒登保乃會同三省督臣。以大功勦定。報聞。其餘孽分道掃蕩。將及一年。有奇。始克肅清。此次軍事。閱時九載。糜費達二億兩。甫獲厥功。而川陝新兵之變。又紛起矣。

十一年秋七月。陝西寧陝新兵作亂。命領侍衛內大臣德楞泰馳往辦理。先是。教匪之役。以領兵微發不便之故。各地增設鄉勇。謂之新兵。以寧陝糧貴。每兵於餉外。月給鹽米銀五錢。定議三年減一錢。時當實行減給之期。布政使朱勛以未奉部文。併四錢亦停發。新兵大譁。遂戕官劫庫。獄以叛。時提督楊遇春方入都。寧陝總兵楊芳調署提督。聞變。皆馳赴援。冬十月。寧陝新兵潰。大芳等降。奪德楞泰職。成楊芳於伊犁。先是川陝軍中。二楊齊名。而芳尤得士心。新兵叛。先護送芳家屬至石泉。而後舉事。至是芳至軍。請遇春撤兵緩攻。而已單騎入賊壘。說其酋蒲大芳等。未降。德楞泰令盡釋歸。而以叛兵震懾。兵威窮蹙。乞命。帝震怒。責德楞泰。尋復廢法。奪其職。謂芳平日縱兵。釀變。造成伊犁。使率降卒出關。後盡誅之。而文吏停餉激變。罪置不問。是役芳以招撫叛兵萬餘。有奇勛。而反獲遣。聞者寬之。未幾。遂有四川綏定陝西兩鄉兩次之兵變。雖不旋踵而定。亦見人心之至不平矣。

十二年冬十二月。總統浙閩水師提督李長庚大破海賊蔡牽於南澳洋面。蔡牽遁入安南海。長庚旋中彈死。牽與長庚同為福建同安人。善操閩能用。先是安南阮光平招納瀕海亡命。資以師船。令劫近海商船。輸入其國。以佐國用。光平死。子福映新受中國封。受約求杜絕海賊。於是梟匪之在閩粵者。悉為牽所併。勢甚猖獗。縱橫海上七八年。雖數為長庚所敗。然前後督臣玉德阿林

保皆滿人。忌長庚功。百計掣其肘。故牽每敗歸。後嘯聚轉衆。十年冬。復以百餘艘犯臺灣。又聯合土匪萬餘攻府城。自稱鎮海王。翌年二月。長庚以浙師三千餘渡臺。水陸並進。五戰皆捷。圍牽於鹿耳門。計日可擒。而牽散賕錢四百餘萬。賂督標援兵。得以殘艦三十餘突圍出海。帝逮治玉德。新督阿林保至。置酒款長庚。從容語之曰。大海捕魚。何時入網。海外事無左證。公但斬一禽。以牽首報。某即飛章報捷。而以餘賊歸善。後辦理則公受上賞。某亦邀次功。孰與窮年冒餘波。俾萬一哉。長庚慨然曰。石三保。聶人傑之事。長庚不能為。且久視海舶如廬舍。不畏險也。誓與賊同死。不與賊同生。阿林保不悅。屢劾之。既不得逞。則屢飛檄趣戰。責以速捷。幕客勸長庚封章以奏。長庚歎曰。大丈夫以死報國。不受唾面辱也。至是整軍進。下令皆持短兵。為必死計。與牽大戰於黑水洋。牽窮迫僅餘三船。幾被擒者再。其奴林阿小識長庚。由蓬窗發火鎗中長庚。遂死。而福建援將張見陞窺總督意。不戰遽引舟師退。牽得遁走安南。

十四年秋八月。浙江提督邱良功。福建提督王得祿。合擊蔡牽於漁山外洋。破之。牽投水死。海道肅清。牽聞長庚死。自安南回棹。聯合朱潰游弋浙海。後潰為閩軍轟斃。其弟溫率所部降。牽勢孤。良功得祿與長庚皆崇大紀。裨將誓同生死。及長庚戰歿。日夜思為復讐。至是合兩省水師。擊牽於定海之漁山外。綠水洋血戰一日。夜燬牽坐船之桅樓。牽知不免。因舉礮自戕。沈於海。其餘黨先後出降。海道乃遘然不出數年。又有天理教匪之亂。

十八年秋九月。湖南滑縣天理教匪聚眾作亂。據縣城。縣令強克捷死之。命直隸總督溫承惠為總統。馳往勦辦。天理教白蓮教之緒餘也。其傳習畿南一帶者。有八卦。榮華。紅陽。白陽。諸目。八卦

教黨徒尤眾。遍布直隸河南山東兩等省。以河南滑縣李文成直隸大興林清為之魁。更名天理。教文成黨數萬。最盛而清密通宮禁。賄通內侍。外倚文成之眾。為援會。十六年秋。彗星見西北方。欽天監謂其占主兵。奏改十八年閏八月。於次年二月。諸賊遂附會之。以為不利。閏八月之兆。又以其經中有二八中秋黃花落地之語。乃愈神其說。謂據星氣。應在九月十五日午時。將來帝幸木蘭時。據京師。滑縣令強克捷。偵知之。密封白撫臣高杞及衛輝府知府卽應麒。請兵掩捕。皆不應。克捷乃捕文成。斷其腰。下之獄。其黨以事迫不及待。期遠。於是月七日。聚眾三千。據城叛。殺克捷。出文成於獄。於是直隸之長垣東明山東之曹定陶金鄉同時殺官圍城。而曹及定陶皆陷。帝在中途聞變。立命直督溫承惠發兵馳勦。教匪犯禁。城皇次子吳寧傑之敗賊中和門外。匪首林清被擒。伏誅。滑縣羣賊以倉卒起事。不及為林清之外應。清遂以是月十五日使其黨二百餘由宣武門潛入。挾武器雜酒肆中。日晡時分。犯東西華門。太監劉得才楊進忠高廣福聞進。喜等引之上城。各出白旗招展。或書大明天順。或書順天保民。皆以白巾裹首。號呼雄噪。將入養心門。為皇次子吳寧所見。發槍殪其二。餘賊錯愕。不敢前。禁軍入。遂悉就擒。尋擒清於黃村。皆正法。帝得警報。還京師。首下詔罪己曰。我國家以前何等強盛。今乃有此事。皆朕涼德所致。痛哭者久之。又責諸臣謂近日諸大臣因循怠玩。有為朕宣勞者。求必陰搆殺之。以致有此大變云。又帝之在熱河聞變也。閣臣董國詒力請回鑾。至於泣下。曹振鏞勸帝務持鎮靜。時人因謂之語曰。庸庸碌碌。曹丞相哭哭啼啼。董太師二人聞之。反笑相謂曰。此時之庸碌啼哭。頗不容易也。冬十月。機溫承惠職。以陝督那彥成代之。初。李文成既據滑。欲結隊北上。有教諭呂姓伴降賊。因說之曰。

昔川楚叛軍縱橫九年。所以終於失敗者。固不據城池。無所守故也。今可閉關自守。以待他郡。救
援。然後會師北上。始保萬全。文成信之。遂屯兵道口。為聲援京師計。時承惠與巡撫高杞皆按兵
不動。乃詔彥成代承惠。而命固原提督楊遇春副之。十一月。那彥成等攻破道口。進圍滑縣。李
文成自焚死。彥成遇春以十月至衛輝。合兵攻道口。破之。山東運使劉清署直督章煦同時掃清
境內。而滑縣城堅厚。糧又足。急切不能下。適文成輜車潛出入輝縣山中。將募集黨眾。為牽制之
運動。總兵楊芳追及之。文成縱火自焚死。十二月。那彥成等攻克滑縣。擒救匪牛亮臣等斬之。
滑縣平。彥成用楊遇春策。穴地攻城。破滑縣。賊屠戮盡。擒亮臣及徐安國。王道隆。而宋元成劉宗
順馮相林皆陣斬之。三省方報勘定。而陝西南山木商夫役復以歲饑罷工掠食。聚眾數千。焚木
廩。撫臣朱勛乃以救匪聞。詔長齡楊遇春討之。

十九年春正月。長齡等生擒箱賊首逆陳四。尹朝貴。零匪全數殄滅。箱匪肅清。冬十月。江西民
朱毛。僂謀逆。建號後明。事覺。伏誅。先是有胡東輝者。購獲殘書一部。內有陣圖及僂詞。尚同邱添
澤。楊易。盧勝輝。以毛僂朱姓。可假託明裔。聚集積善。祥林。協謀起事。稱後明。晏朝年號。徧發偽札
為撫臣阮元偵獲。磔胡東輝等十七人。絞程麟祥等三十五人。毛僂逸去。

二十年夏四月。四川中勝對番酋洛布七力作亂。四川總督常明討平之。秋九月。塔什密里克
回人政牙。噉作亂。命大學士松筠馳往喀什噶爾勦之。尋政牙噉為參贊成軍等所擒。回莊照常
安業。召筠回京。以長齡為伊犁將軍。

二十二年春三月。雲南臨安邊外夷民高羅衣作亂。總督伯麟討平之。羅衣等以內地商販出邊

貿易侵奪美人生計。偕名驅逐漢人。集眾萬餘人。自稱窩泥王。劫掠江外土司。處伺邊郡事。聞命伯麟。迅即派兵進剿。尋獲羅衣及偽軍師章喜等。皆伏誅。

二十三年。夏六月。臨安江外逆匪高老五作亂。總督伯麟派兵勦平之。老五為羅衣從子。因查拏逆黨。逃往藤條江外。糾眾搶掠土司地方。僭稱小窩泥王。渡江進薄府城。伯麟派都司桂朝陽等擒之。餘逆並殲除。

清史紀事本末卷三十九

中英交涉之變態

仁宗嘉慶十三年冬十月以英吉利兵艦駛入廣東奪總督吳熊光職以百齡代之英人自康熙十九年通商中國繼於二十三年建設商館於廣州而以粵海關檢查之嚴密及稅額之繁重欲更開新商港繼於四十年東印度會社社員甲亦普爾率商船三艘至浙江舟山寧波等地貿易浙海關稅則較粵海為輕洋商利之思康雍兩朝至乾隆二十二年開諸國商船聚泊定海轉運寧波者日衆幾有舍粵就浙之傾向於是高宗納浙閩總督喀爾吉善兩廣總督楊應琚之策更定浙海科則視粵海加重藉以限制洋商二十四年英商洪任輝赴天津以廣東貿易之困難訴於政府語侵粵海關監督高宗怒其妄控下之澳門獄中自是浙中貿易之途絕而廣州為中國唯一之互市場各國商船率自東莞縣虎門入口聚泊省城之黃埔然華英商人每以貨財上之關係日起紛議英政府乃以五十七年遣使伯壽馬夏爾尼及司當東入中國要求改良兩國之交涉因提議七條(一)遣員駐京師照管本國商務(二)商船至寧波舟山及兩廣天津地方收泊交易(三)仿俄國例設商館於京師收貯貨物發賣(四)要求舟山附近小海島一處居留英商及收貯貨物(五)於廣東省城附近撥給地方一處居住英商及寄寓澳門之人准其自由出入(六)英商於廣州澳門間由內河運輸貨物請免稅或減輕稅額(七)任聽英人傳教至次年其使臣自天津赴京禮吏倒予旗章題曰英國貢船強令立之及抵京城政府又強令於覲見時行叩頭禮英使亦不欲以事執小節妨害其推廣商利之目的志遵例行之覲見後使臣以要

求各款。向政府提議。高宗以為遠人不識天朝體制。妄行乞請。於其條件。悉駁斥之。而勅諭其國。王盛稱天朝威德。付其使。遣歸。會英人與法蘭西國失和。法帝拿破崙頒布大陸條例。禁歐洲各國與英通商。時葡萄牙國獨被命。法遣兵併其地。英人怒。法奪澳門。以是年七月。遣海將度路利。率戰艦十三艘。進泊香山雞頭洋。旋以三務入黃埔。並有三板船入省河。以防禦法蘭西。保護中英葡三國貿易為詞。且願與中國協勦海賊。以其意作書。投粵督。遂登岸。公然分兵守住澳門。礮臺。朝廷恐其將實行占領之策。飭熊光嚴詞拒絕。且封禁水路。以絕其糧食。英人苦之。至是啟校引還印度。帝怒熊光惠懦。不即時驅逐。英艦奪其職。令勵力南河。尋遠戍伊犁。

十九年冬十二月。英吉利護商兵船。違例闖入虎門。旋駛出禁地。英艦自十三年十月。開出澳門。後未幾。仍屢視舊制。執以兵船出入虎門。至是督臣將攸銘派員詰責。始駛出洋面。於是攸銘疏定防閑策數事。一嚴禁民人私為英人服役。一洋行不得用歐式建築。一店號不得用夷字一清查商欠。一內地民人不得私往夷館。並得旨允行。

二十一年秋七月。英吉利使臣司當冬等覲見。至宮門。稱疾不成禮。而退。英人既以前此浙江之貿易。不能遂其請願。復以近年來廣東關稅有種種之藉索。因於是年遣正使司當冬及副使二人來中國。詣關陳訴。乃使臣不遵成例。於粵岸收泊。徑駛至天津海口登岸。謝宴時。又不行三跪九叩首禮。及抵京。帝命於是月七日。瞻光八日。於正大光明殿。賜宴頒賞。再於同樂園賜食。九日。陸辭。並於是日。賜游萬壽山。十一日。在太和門領賞。再赴禮部筵宴。十三日。遣行。至入覲日。帝傳旨。升殿召見。忽張傳大臣和世泰奏稱。使臣不能遵行。候至宮門。請駕。二次奏稱。正使病酒。須少。

綏三次奏稱正使病倒不能進見。當諭以正使回寓實醫調治。令副使進見。四次奏稱副使二人亦同稱急病。帝大怒以中國為天下共主。豈有如此倨傲侮慢。甘心忍受之理。嚴旨傳其筵宴賜物。逐之回國。並寄英王勅諭一道。備責使臣之無禮。（時英廷無能通解華文者。反之外部七十餘年至光緒十六年薛福成使英。英人始出而屬其代認。蓋當時實未嘗啟視也。）又通諭中外及蒙古王公等。託詞來使進見朝服未到。使服不能瞻謁大皇帝。和世泰等不將情節奏明。致未改期召見。不料庸臣誤事至此。朕實無顏下對臣工。云云。奉命革去和世泰理藩院尚書。蘇楞額工部尚書。廣惠總管內務府大臣。穆克登額禮部尚書。

編者曰。英使此來。挾有推廣商利之奢望。僅期與中國外交上人員交涉而已。並無瞻對大皇帝之必要。而中國朝廷必確認英吉利為海外朝貢國之一。此次使節直為備進方物而來。倣然自大。輕視鄰國。誤用其奴隸國人之習慣法。以對付歐羅巴已使臣。強之行跪拜禮。遂致釀成此次之失敗。自是中英間之外交。日形退步。而感情上之損失亦愈以積加。已潛伏無形之禍機於不覺矣。又攷順治康熙間。德意志人湯若望。比利時人南懷仁。官欽天監時。皆許其侍立不行拜跪禮。雍正年間。敕王遣使到京。世宗許行西禮。且與之握手。乾隆五十八年。英使馬格里來華。禮臣與議禮節。彼以覲見英主之禮為言。禮臣以請。高宗特旨准行西禮。蓋中國拜跪之禮。西人萬不允遵。故後天津條約載明。遇有礙於國體之禮。斷不可行。即指此也。

清史紀事本末卷四十

道光世局

宣宗道光元年春正月壬午朔日食 二月雲南永北廳屬夷人滋事命總督慶保勦辦尋授呢瑪善為欽差大臣督辦雲南軍務未出京而慶保奏報勦洗肅清首逆瞻唐老犬就擒 六月安定門災 秋七月京中大疫死者日以千百數 九月命停闕省歲進荔枝樹素心蘭二項 二年春正月諭山西孟縣等二十一州縣丁徭銀兩一律攤入地糧徵收從撫臣葉世倬請也 夏五月青海番人蘊依等滋事陝甘總督長齡計平之 六月降吏部尚書松筠為員外郎因刪改理藩院奏稿被劾也 山東衛河溢申禁直省各衙門額外增置書役 秋八月河南新蔡教匪朱麻子滋事巡撫程祖洛捕治之 河南沁河再溢 九月四川果洛克番人滋事提督桂涵討平之 涵以平叛立功與羅舉齊名時稱羅桂 冬十月中禁收漕州縣書役侵漁各弊並禁漕總名目 十二月中諭海口各關津嚴禁夾帶鴉片烟 三年夏五月諭直省徵收錢糧將墊完民欠名目永遠禁除 六月永定河溢 北運河溢 秋七月河南漳河溢 江南十七州縣大水民饑 四年夏四月命程含章會同蔣攸銘籌辦直隸河工 六月癸巳朔日食 彗星見西方 秋七月命毀蘇州府城西樁伽山五通祠 冬十二月以黃河泛溢革河督張文浩職在工枹號一月期滿發往伊犁効力兩江總督大學士孫雲庭革職留任

五年春三月中禁各省獄卒陵虐監犯 夏五月命王鼎在軍機處行走 六月命漕運總督及

有漕各省督撫議防糧船水手設教歛錢流弊時各幫糧船水手設有潘安老安新安等教名目所祀之神曰羅祖其主教稱老官每幫有老官船一隻供設羅祖入教者投拜老官為師各船水手聯名資助統計三款約四五萬人沿途縛手尚不在內水手僅直向例一兩二錢自是挾制旗丁每名索二三十千不等及銜尾前進忽然停泊老官傳出一紙名曰溜子索添價值旗丁不敢不從水手滋事送老官處治輕則責罰重則立斃沈入河中沿途招催縛手必推曹錕械關受傷者為頭目遇有爭鬪以紅著為號人即立聚新安一款尤多匪徒至是為御史汪世燾奏請防禁諭飭漕督及各督撫悉心籌議

六年春三月初次改行海運 夏六月臺灣粵民黃大湖滋事命福建水師提督許松年馳往查辦 秋八月革提督許松年職留臺効力因督臣孫爾準故臺後勘其辦理北路械關案錯誤也 冬十一月臺灣餘匪悉平

七年夏四月丙午朔日食

八年春三月庚子朔日食 秋九月戊戌朔日食

九年春正月禁用光中通寶景盛通寶景興通寶景興巨寶景興大寶嘉隆通寶各種錢文 二月命回子富阿渾者止准念習經典不准干預公事其阿渾子弟有當差及充當伯克者不准再兼阿渾以示限制 秋八月帝奉太后詣盛京謁陵 九月壬辰朔日食 冬十月還京師 十一月定一子兩祧服制 十二月山東地震

十年夏五月裁革州縣衙門白役地方公事至繁者不得過八十名其餘以次遞減所有白役概

行禁革從言官王璋慶請也 六月定查禁內地行銷鴉片章程 冬十月裁兩淮鹽政改歸總督管理

十一年春三月廣東黎人滋事總督李鴻賓勦平之匪首韋色容伏法 夏五月改淮北銷鹽為官督商運因江督陶澍奏陳淮北商力積疲請暫籌借項官為督運也 六月禁沿途夷民私種罌粟 秋七月高郵湖河溢 九月新疆始行屯田法從督師大學士長齡請也 冬十二月山東地震 行崇慶法淮北暢岸仍歸商運其餘滯岸即仿照山東浙江票引兼行之法分設行店聽民投行購買運銷從江督陶澍請也

十二年春正月定白陽白蓮八卦紅陽等教首犯遇赦不赦從犯亦不准援減例 三月帝謁東陵回鑾幸南苑行圓五日還京師 秋九月杭南縣屬子家灣河隄為湖民盜決奪河督張并職 閏月飭江西巡撫嚴革會匪 冬十月臺灣嘉義縣民陳解滋事命總督程祖洛將軍瑚松額都統哈喇阿等馳往勦辦

十三年春正月陳解就擒臺亂平 二月四川趙嵩慶夫人滋事命那彥寶桂沅等勦辦 夏五月四川裁邊廳夫人桑樹格就擒餘眾皆降 秋七月四川趙嵩慶夫人滋事一律肅清 八月雲南地震 九月庚子朔日食

十四年秋七月裁邊十三支夷內雅札等支夷滋事命瑚松額楊芳查辦 東河朱家灣漫口 九月永定河溢 冬十二月以四川裁邊夷人出巢焚掠降提督果勇侯楊芳為二等侯以總兵前往甘肅候補

十五年春正月曹振鏞卒振鏞在內閣專伺人主意而素不學每奉命銜文得試卷稍古雅者輒不解事獨卷中一二破體字抑之劣等於是文體日頹而學術因之不振又帝最厭言官言事振鏞亦故以此法遇章疏中有破體駁誤字者摘出交部嚴議於是科道相戒不敢言事而言路壅塞遂使三十年中吏治日媮民生日困釀成內外兵禍開千古未有之變局皆振鏞一人之罪也然帝深信任之及歿賜諡文正三月山西趙城縣教匪曹順滋事知縣楊廷亮全家遇害夏四月義邊夷匪肅清趙城教匪肅清

十六年秋九月國明園三殿災

十七年春三月予告陝甘總督昭勇侯楊遇春卒予誥忠武遇春結髮從戎大小數百戰皆陷陣冒矢石或冠銅皆碎或袍袴皆穿未嘗受毫髮傷帝嘆為福將夏六月義邊夷人滋事命鄂山勦辦秋七月命山東鹽務改歸巡撫管理冬十月停吉林採珠十一月四川涼山夷人滋事將軍凱音布總督鄂山討平之

十八年夏五月降俘親王縣愷為郡王以違例囚禁多人復將優人藏匿府內故也秋九月革莊親王奕劻輔國公溥喜爵因赴尼僧廟內吸食鴉片煙也冬十一月中禁旗人婦女纏足貴州民人謝法真作亂總督伊里布討平之

十九年秋九月南方地震

二十年春二月壬戌朔日食河東河道總督崇綺奏平予誥恭勤毓美倡以親代石之法治河有功後世師之三月湖北提督羅思舉卒予誥壯勇思舉以帥勇從軍四川起家至節鎮威名

亞二楊(遇春芳)軍中號為羅必勝 冬十二月革戶部侍郎文慶職文慶典試江南私帶湖南舉人熊少牧入闈被劾

二十一年夏六月河南下南廳祥符汎河溢革河督文冲職以朱襄代之尋命王鼎督辦東河大工發遣伊犁林則徐折回東河効力

二十二年春正月湖北崇陽縣民鍾人杰作亂討平之 夏四月天矢星見於西南 五月大學士王鼎自殺予諡文恪鼎治河歲功歸以爭和議致史魚尸諫自縊死為遺疏嚴劾穆彰阿並薦林則徐可大用穆彰阿懼使其門下士張希以危言脇鼎之子伉取遺疏出希令其同邑人軍機章京蘇凌刺革一葉以進 秋八月江南湖北廳河溢

二十三年夏四月革熱河都統琦善古城領隊大臣文蔚葉爾羌幫辦大臣奕經三人職先是以海疆失律前據遠治將軍奕山奕經參贊文蔚總督琦善牛鑑提督余步雲諸人却議余步雲新立決文蔚革職留任餘擬新候乃余步雲正法二日即行起用琦善文蔚奕經等御史陳慶鏞奏稱琦善等三人起用為刑賞失措無以服民帝屈於清議命革三人職諭獎慶鏞敢言不數月三人及奕山牛鑑又均起用且隆隆驟遷而慶鏞以事降調解組回籍矣 六月雲南南甸土匪作亂討平之 河南中牟河決革河督慧成職以鍾祥代之旋命尚書麟魁廖鴻基往督辦 冬十一月己巳朔日食

二十四年春二月中牟堵口復決革麟魁廖鴻基職 三月臺灣民人洪協作亂旋就誅 夏六月直隸永定河溢 秋七月湖南耒陽縣民陽大鵬作亂旋就執伏誅 湖北荊州萬成隄溢

八月命寶興擊辦四川國匪 山西河南陝西湖北安徽電災 江南地震

二十五年夏四月丙寅番人作亂總兵應和破賊命惠吉赴甘肅查辦 六月江蘇中河廳桃源汎河溢

二十六年春三月帝幸南苑行圍六日還京師 夏五月前任湖南提督果勇侯楊芳卒于盛勤勇芳與遇春齊名稱二楊 閏月雲南永昌回人作亂 六月東南各省地大震 冬十月又震 二十七年春正月緬人擾邊 三月永昌回亂肅清 六月京師地震 奉皇殯 秋八月喀什噶爾回人滋事投布彥泰為定西將軍奕山為參贊大臣馳往勦辦 九月丁丑朔日食 冬十二月湖南乾州廳苗人滋事命裕泰等勦辦尋撫定

二十八年夏四月諭兩廣湖南江西各督撫飭禁會匪 秋八月申定道府以下官祖孫父子兄弟及外姻親族同省同府回避例督撫與河督鹽政有關糾察者亦令回避 冬十月諭浙江巡撫劉韻珂飭禁浙江沿海盜匪 申諭海疆各督撫提鎮督飭水師堵禁洋盜

二十九年春二月庚子朔日食 四川中樞對野番工布朗出集滋事命琦善勦辦 夏四月江蘇浙江安徽湖廣大雨五旬餘水驟漲田廬沒水之大為百年所未有 申諭山東巡撫徐澤醇飭禁沿海村場盜藪 五月中樞對野番平 冬十一月正陽門箭樓災

三十年春正月甲午朔日食 帝崩皇四子奕訢嗣立帝壽六十有九諡曰成廟號宣宗并易州平安峪號慕陵